

臨證指南醫案目

卷五

風

寒

風溫

溫熱

暑

濕

燥

疫

癩痧疹瘰

痰

痰飲

舞

濕熱

風濕

痰

風

卷五

調劑藥中醫本目

臨證指南醫案卷五

濟關李大瞻翰圃

古吳葉桂天士先生著 錫山鄒錦畹滋九仝較

邵銘新甫

風

風傷衛

某二風傷衛寒熱頭痛腕悶

蘇梗 一錢

淡豆豉 一錢

杏仁 三錢

桔梗 一錢

厚朴 一錢

連翹 一錢

通草 一錢

滑石 三錢

某二風邪外襲肺衛畏風發熱咳嗽腕悶當用兩和表裏

此方甚平妥有
先民之風

淡豆豉一錢半 蘇梗一錢 杏仁三錢 桔梗一錢半

連翹一錢半 通草一錢

風傷營衛誤治

江五勞倦過月氣弱加外感頭痛惡風營衛二氣皆怯嗽

則閃爍筋掣而痛大凡先治表後治裡世間未有先投黃連清裏後用桂枝和表此非醫藥當歸建中湯

體虛感風

沈虛人得感微寒熱參歸桂枝湯加廣皮

經云風為百病之長蓋六氣之中惟風能全兼五氣如兼寒則風寒兼暑則日暑風兼濕曰風濕兼燥曰風燥兼火曰風火蓋因風能鼓盪此五氣而傷人故曰百病之長也其餘五氣則不能互相全兼如寒不

勝列諸案卽俗
所謂傷風輕症

能兼暑與火。暑亦不兼寒。濕不兼燥。燥不兼濕。火不
兼寒。由此觀之。病之因乎風而起者。自多也。然風能
兼寒。寒不兼風。何以辨之。如隆冬嚴寒之時。卽密室
重幃之中。人若裸體而臥。必犯傷寒之病。此本無風
氣侵入。乃但傷於寒。而不兼風者也。風能兼寒者。因
風中本有寒氣。蓋與爲風。風之性本寒。卽巽卦之初
爻屬陰是也。因風能流動鼓盪。其用屬陽。是合乎巽
之二爻三爻皆陽爻也。如炎歊溽暑之時。若使數人
搦一人。其人必致汗孔閉。頭痛惡寒。骨節疼等。傷寒
之病作矣。斯時天地間固毫無一些寒氣。實因所搦

之風。風中却有寒氣。故令人受之。寒疾頓作。此乃因傷風而兼傷寒者也。故有但傷寒而不傷風之症。亦有因傷風而致兼傷寒之症。又有但傷風而不傷寒之症。有因傷風而或兼風溫。風濕。風燥。風火等症。更有暑濕燥火四氣各自致傷。而絕不兼風之症。故柯韻伯所註傷寒云。傷風之重者。卽屬傷寒。亦有無汗脈緊。骨節疼。諸症。此柯氏之書。所以能獨開仲景生面也。至仲景所著傷寒書。本以寒爲主。因風能兼寒。故以風陪說。互相發明耳。學者看書。不可不知此理。若夫臟腑一切內外諸風。各有現症。具載內經。尤當

詳考。華岫雲

白布卷五

卷五

三

<p>編年 華曆</p>		
------------------	--	--

寒

寒邪客肺

某二客邪外侵。頭脹當用辛散。

常用桂枝

蘇梗

杏仁

桔梗

桑皮

橘紅

連翹

某寒熱頭痛腕悶。

淡豆豉

嫩蘇梗

杏仁

桔梗

厚朴

枳殼

某五復受寒邪。背寒頭痛鼻塞。

桂枝湯加杏仁

某九時邪外襲。衛痺發熱頭痛先散表邪。

風寒傷衛
寒邪兼濕

淡豆豉

蘇梗

杏仁

厚朴

木防已

茯苓皮

寒客太陽膀胱經氣逆

楊

二四

太陽脈行由背抵腰外來風寒先傷陽經雲霧自下

及上經氣逆而病發致嘔痰涎頭痛小洩數行病解膀胱氣通斯逆者轉順矣當通太陽之裡用五苓散倘外

感病發再議

某二八

勞倦陽虛感寒

勞傷陽氣形寒身熱頭疼腕悶身痛

杏仁

三錢

川桂枝

八分

生薑

一錢

厚朴

一錢

廣皮

一錢

茯苓皮

三錢

傷寒症仲景立法於前諸賢註釋於後先生雖天資

此卽俗名著寒之症。偶爾受寒之小疾。不入經絡之病也。何必牽引傷寒大症。發諸議論。及細閱此編。竟無治傷寒一門。卽此數方爲傷寒之法。不禁失笑。夫醫者之學。問全在明傷寒之理。則萬病皆通。故神景之書。只有二種傷寒論。治傷寒之法也。金匱治雜症之法也。而金匱之方。則又半從傷寒論中來。則傷寒

穎敏。若擬其治法。恐亦不能出仲景範圍。其所以異於庸醫者。在乎能辨症耳。不以冬溫春溫風溫溫熱濕溫伏暑內傷勞倦瘟疫等症。誤認爲傷寒。其治溫熱暑濕諸症。專辨邪之在衛在營。或傷氣分。或傷血分。更專究三焦。故能述前人溫邪忌汗。濕家忌汗。當用手經之方。不必用足經之藥。等明訓。垂示後人。此乃先生獨擅見長之處也。若夫傷寒之書。自成無已。註解以後。凡註疏者。不啻數百家。其尤著者。如嘉言三書。景岳書傷寒三註。四註等篇。近有柯韻伯來蘇集傷寒論翼。方翼。王晉三古方選註中。所解一百十

乃病中之第一
症而學醫者之
第一功夫也今
此編獨闕此一
門則平日所習
何書所治何病
耶此者數十年
醫道大行豈無
數千百大症經
手乃竟祇錄此
數方以了局此
非此老之過乃
編書之人胸中
茫無定見耳

三方諸家析疑辨義處。雖稍有異同。然皆或登仲景
之堂。或造仲景之室者。業醫者當日置案頭。潛心參
究。庶乎臨症可無誤矣。華岫雲
傷寒一症。白經云。熱病者。皆傷寒之類也。又曰。凡病
傷寒而成溫者。先夏至日者為病溫。後夏至日者為
病暑。又曰。冬傷於寒。春必病溫。其症有六經相傳。併
病合病。兩感直中。難經又言。傷寒有五。有中風。有傷
寒。有濕溫。有熱病。有溫病。其所苦各不同。再加以六
淫之邪。有隨時互相兼感而發之病。且其一切現症。
則又皆有頭痛發熱。或有汗無汗。或惡風惡寒。不食

倦臥煩渴等。則又大略相同。故其症愈多。其理愈晦。毋怪乎醫者臨症時。不能灼然分辨。卽其所讀之書。前人亦竝無至當不易之論。將靈素難經之言。及一切外感之症。逐一分晰辨明。使人有所遵循。故千百年來。欲求一鑒垣之士。察六淫之邪。毫不紊亂者。竟未見其人。幸賴有仲景之書。以六經分症。治以汗吐下和寒溫諸法。故古人云。仲景之法。不但治傷寒。苟能悉明其理。卽治一切六氣之病。與諸雜症。皆可融會貫通。無所不宜。此誠屬高論。固深知仲景者也。然余謂六淫之邪。頭緒甚繁。其理甚奧。卽彙集河間東

垣丹溪及前賢輩諸法而治之。猶慮未能兼括盡善。若沾沾焉。必欲但拘仲景之法而施治。此乃見聞不廣。膠柱鼓瑟。不知變通者矣。今觀葉氏之書。傷寒之法固屬無多。然其辨明冬温春温。風温濕熱濕温之治。實超越前人。以此羽翼仲景。差可嘉惠後學。觀者幸毋忽諸。華玉堂

此書之旨。蓋欲教人。凡遇此病。當如何治。其法。固屬無多。然其辨明冬温春温。風温濕熱濕温之治。實超越前人。以此羽翼仲景。差可嘉惠後學。觀者幸毋忽諸。

風濕

肺風濕傷

僧二 近日風濕上受。寸口脈獨大。肺受熱灼。聲出不揚。先

與辛涼清上。當薄荷味調養旬日。

牛蒡子

薄荷

象貝母

杏仁

冬桑葉

大沙參

南花粉

黑山梔皮

楊脈左實大頭目如蒙。清竅不爽。此風濕仍在。上焦擬

升降法。

乾荷葉

薄荷

象貝

連翹

鈎藤

生石膏末

某風溫從上而入風屬陽溫化熱上焦近肺肺氣不得舒轉周行氣阻致身痛腕悶不飢宜微苦以清降微辛以宣通醫謂六經輒投羌防泄陽氣劫胃汁溫邪忌汗何遽忘之

杏仁

香豉

鬱金

山梔

瓜蒌皮

蜜炒橘紅

葉風溫入肺肺氣不通熱漸內鬱如舌苔頭脹咳嗽發疹心中懊懣腕中痞滿猶是氣不舒展邪欲結痺宿有痰飲不欲飲水議梔豉合涼膈方法

山梔皮

豆豉

杏仁

黃芩

瓜蒌皮 枳實汁

郭 風温入肺。氣不肯降。形寒內熱。胸痞。皆臆鬱之象。辛

涼佐以微苦。手太陰主治。

黑山梔

香豉

杏仁

桑葉

瓜蒌皮

鬱金

風温化燥熱

秦六體質血虛。風温上受。滋清不應。氣分燥也。議清其上。

石膏

生甘草

薄荷

桑葉

杏仁

連翹

又 照前方去連翹薄荷加陳蒌皮鬱金梔皮

某 風火上鬱耳後結核目眶痛

少陽風火

薄荷

牛蒡子

前胡

象貝

連翹

黑梔皮

赤芍

生甘草

風溫傷陰

某

風溫熱伏。更劫其陰。日輕夜重。煩擾不寧。

生地

阿膠

麥冬

白芍

炙草

蔗漿

馬_三風溫熱灼之後。津液未復。陽明脈絡不旺。骨酸背楚。

治以和補。

生黃芪

鮮生地

北沙參

玉竹

麥冬

歸身

蜜丸

某

陰虛風溫。氣從左升。

桂枝湯加花粉杏仁

風爲天之陽氣。溫乃化熱之邪。兩陽薰灼。先傷上焦。種種變幻情狀。不外乎三陰爲病。藪頭脹汗出。身熱咳嗽。必然竝見。當與辛涼輕劑。清解爲先。大忌辛溫。消散劫爍清津。太陰無肅化之權。救逆則有蔗汁蘆根。玉竹門冬之類也。苦寒沉降。損傷胃口。陽明頓失循序之司。救逆則有復脈建中之類。大凡此症。驟變則爲瘧厥。緩變則爲虛勞。則主治之方。總以甘藥爲要。或兼寒或兼溫。在人通變可也。

邵新甫

... 入... 也

... 也

... 也

... 也

... 也

... 也

... 也

... 也

... 也

温熱

肺 温邪入

某十二脈數暮熱。頭痛腰疼。口燥。此屬温邪。

連翹

淡豆豉

淡黃芩

黑山梔

杏仁

桔梗

某

温邪化熱。肺痺喘急。消渴胸滿。便溺不爽。肺與大腸

見症。

淡黃芩

知母

鮮生地

阿膠

天冬

花粉

謝

積勞傷陽。衛疎温邪上受。內入乎肺。肺主周身之氣。

氣窒不化外寒似戰慄其温邪內鬱必從熱化今氣短胸滿病邪在上大便瀉出稀水肺與大腸表裏相應亦由熱迫下泄耳用辛涼輕劑為穩

貝杏仁

桔梗

香豉

橘紅

枳殼

薄荷

連翹

茯苓

龔 襁褓吸入温邪釀為肺脹危症

蘆根

桃仁

苡仁

冬瓜子

施 久患虛損原寢食安舒自服陰柔膩補不但減食不寐腕中常悶渴欲飲涼此口鼻吸入温邪先干於肺候補則邪愈熾氣機阻塞弱質不敢開泄援引輕揚肅上

近日無人能知此者

兼以威喜丸。淡以和氣。上焦得行。可進養胃法。

白沙參 苡仁 天花粉 桑葉

鬱金 兼服威喜丸

温邪劫津

王 加温邪發熱。津傷。口糜。氣穢。

捲心竹葉 嘉定花粉 知母 麥冬 辛刺

金石斛 連翹 宜再加氣分藥

某 春温身熱六日不解。邪陷劫津。舌絳。骨節痛。以甘寒

熄邪

中竹葉心 知母 花粉 滑石 熱飲

生甘草 梨皮 梨皮 梨皮 梨皮 梨皮 梨皮 梨皮 梨皮 梨皮

熱傷胃
津

丁 口鼻及入熱穢肺先受邪氣痺不主宣通其邪熱由中及於募原布散營衛遂為寒熱既為邪踞自然痞悶不飢雖邪輕未為深害留連不已熱蒸形消所謂病傷漸至於損而後已 桂枝白虎湯

又 氣分之熱稍平日久胃津消乏不飢不欲納食大忌香燥破氣之藥以景岳玉女煎多進可效忌食辛辣肥膩自安 竹葉石膏湯加鮮枸杞根皮

楊 伏邪發熱煩渴知飢無寐乃胃津受傷所致擬進竹葉石膏湯加花粉

葉 熱傷氣分用甘寒方 白虎湯加竹葉

某。右脈未和熱多口渴。若再劫胃汁。怕有脫痞不飢之
事。當清熱生津。仍佐理痰。俟邪滅便可再商。

麥冬

人參

石膏

知母

粳米

竹葉

半夏

葉二仲景云。陰氣先傷。陽氣獨發。不寒癉熱。令人消爍肌

肉。條例下不註方。但曰以飲食消息之。後賢謂甘寒生

津。解煩熱是矣。今脈數舌紫。渴飲氣分熱邪未去。漸次

轉入血分。斯甘寒清氣熱中。必佐存陰為法中之法。

生地

石膏

生甘草

知母

粳米

白芍

竹葉心

營熱入心

毛十六温邪熱入營中心熱悶脇肋痛平素痰火與邪膠結致米飲下咽皆脹老年五液已涸忌汗忌下

生地 麥冬 杏仁 鬱金汁

炒川貝 橘紅

馬少陰伏邪津液不騰喉燥舌黑不喜飲水法當清解

血中伏氣莫使液涸

犀角 生地 丹皮 竹葉

元參 連翹

陳_婦熱人臏中夜煩無寐心悸怔舌絳而乾不嗜湯飲乃

營中之熱治在手經

犀角 鮮生地 黑元參 連翹

石菖蒲 炒遠志

又 鮮生地 元參 天冬 麥冬

竹葉 茯神 金箔

又 湯升風動治以鹹寒

生地 阿膠 天冬 人參

川斛 茯神 麥冬

張 營絡熱心震動 復脈湯去薑桂參加白芍

熱邪入心胞

陸九 高年熱病八九日舌燥煩渴譫語邪入心胞絡中深

怕液涸神昏當滋清去邪兼進牛黃丸驅熱利竅

竹葉心 鮮生地 連翹心 元參

犀角 石菖蒲

胡脈數舌赤耳聾胸悶素有痰火近日冬温引動宿病加以勞復小溲不利議治胞絡之熱

鮮生地五錢 竹葉心一錢 丹參一錢半 元參一錢半

石菖蒲根六分 陳膽星六分

顧 温邪悞表劫津邪入胞絡內閉 至寶丹

王 吸入温邪鼻通肺絡逆傳心胞絡中震動君主神明

欲迷瀾漫之邪攻之不解清竅既蒙絡內亦痺幼科不解投以豁痰降火理氣毫無一効憶平脈篇清邪中上

肺位最高。既入胞絡。氣血交阻。逐穢利竅。須藉芳香。議
用局方至寶丹。

施 溫邪如瘧。陰氣先傷。苦辛再傷。陽及胃。內風肆橫。肢
掣。癱瘓。邪閉心胞絡中。痰潮神昏。乃熱氣蒸灼。無形無
質。此消痰消食清火。竟走腸胃。與病情隔。躡搔癢。速速
與至寶丹三分。冷開水調服。若得神清。再商治法。

顧 飲酒又能納穀。是內風主乎消燦。當春盡夏初。陽氣
弛張。遂致偏中於右。診脈左弦且堅。肌腠噤約。斑點面
色光亮而赤。舌胎灰黃。其中必夾伏溫邪。所怕內閉神
昏。治法以清絡宣竅。勿以攻風劫痰。扶助溫邪。平定廓

此是類中風何
以入溫熱門中

清冀其帶病久延而已。

犀角

生地

元參

連翹心

鬱金

小青葉

竹葉心

石菖蒲

又

目瞑舌縮神昏如醉邪入心胞絡中心神為蒙謂之

內閉前案已經論及温邪鬱蒸乃無形質而醫藥都是

形質氣味正如隔鞞搔癢近代喻嘉言議謂芳香逐穢

宣竅頗為合理絕症難挽天機用意聊盡人工

至寶丹

四九勻四服涼開水調化

包

老年下虛春温上受痰潮昏譫舌絳黃苔面赤微瘧

先清上焦

熱邪閉
竅神昏

天竺黃 金銀花 竹葉心 連翹 竹瀝

張 溫邪自裏而發。喉腫口渴。舌心灰滯。上焦熱蒙。最怕

竅閉昏瘧。苦寒直降。攻其腸胃。與溫邪上鬱無涉。

連翹 黑梔皮 牛蒡子 杏仁 花粉

馬勃 瓜蒌皮 夏枯草 金汁 銀花露

張 週歲內未得穀味精華。溫邪吸入。上焦先受。頭面頤

頷腫浮邪。與氣血混處。刀針破傷。經絡溫邪內閉。熱壅。

蔓延三焦。昏寐痰潮。舌刺卷縮。小溲點滴渾濁。熱氣結

銅在裏。但膏連芩梔之屬。藥性直降。竟由胃達腸。而熱

氣如烟如霧。原非形質。可蕩可掃。故牛黃產自牛腹。原

從氣血而成。混處氣血之邪。藉此破其蘊結。是得效之
因由也。夫溫熱時癘。上行氣分而漸及於血分。非如傷
寒足六經順傳經絡者。大抵熱氣鴟張。必薰塞經絡內
竅。故昏躁皆裏竅之欲閉。欲宣內閉。須得芳香氣血入
鬱。必致瘍毒內攻。謹陳大意。叅末議用紫雪丹三分。微
溫開水調服。

褚

溫邪中自口鼻始而入肺。為咳喘。繼傳膈中則噎血。
乃心營肺衛受邪。然邪在上焦。壅遏阻氣。必聚為熱痰。
臭滄渴。是欲內閉。惜不以河間三焦立法。或謂傷寒主
六經。或謂肺癰專泄氣血。致熱無出路。胸突腹大危期。

至速矣。卽有對病藥餌。氣湧沸騰。勢必湧吐無餘焉。望
有濟。夫溫熱穢濁。填塞內竅。神識昏迷。脹悶欲絕者。須
以芳香宣竅。佐牛黃金箔。深入臟絡。以搜錮閉之邪。今
危篤若此。百中圖一而已。紫雪丹。

陳
溫邪逆傳。膈中熱痰蔽阻。空竅所進寒涼消導。徒攻
腸胃。毫無一效。痰乃熱薰津液所化。膈中乃空靈之所。
是用藥之最難。至寶丹芳香通其神明之竅。以驅熱痰
之結極是。但穉年受溫邪。最易陰虧津耗。必兼滋清以
理。久伏溫邪爲正。

犀角

鮮生地

元參

連翹心

丹皮

石菖蒲

化服至寶丹

某濕為漸熱之氣。迷霧鬲間。神機不發。三焦皆被邪侵。豈是小恙。視其舌伸縮如強。痰涎粘著。內閉之象已見。宜通膈中。望其少甦。無暇清至陰之熱。

至寶丹四分

石菖蒲 金銀花湯送下

分熱陷血

王十八夜熱早涼。熱退無汗。其熱從陰而來。故能食。形瘦脈數。左盛。兩月不解。治在血分。

生鼈甲

青蒿

細生地

知母

丹皮

淡竹葉

許溫邪已入血分。舌赤音低。神呆潮熱。卽發斑疹。亦是

血中熱邪。悞汗消食。必變昏厥。

犀角

細生地

元參

丹皮

鬱金

石菖蒲

半夏

蘇合香

熱入厥陰

張

舌絳裂紋。面色枯槁。全無淖澤。形象畏冷。心中熱焚。

邪深竟入厥陰。正氣已經虛極。勉擬仲景復脈湯。合乎

邪少虛多治法。復脈去人參。生薑加甘蔗汁代水煎。

又

熱病悞投表散。消導正氣受傷。神昏舌強。勢如燎原。

前進復脈法。略有轉機。宜遵前方。去桂加參。以扶正氣。

為主。復脈湯去桂。加人參。甘蔗汁代水煎藥。

又

進甘藥。頗安。奈陰液已涸。舌強音縮。撫之乾板。較諸

已前齟肉映血有悶小便欲解掣痛猶是陰氣欲絕欲寐昏沉午間煩燥熱深入陰之徵未能穩許愈期也

生白芍 炙甘草 阿膠 雞子黃

人參 生地 麥冬 炒麻仁

胸 悞下熱 陷成結

某 悞下熱陷於裏而成結胸所以身不大熱但短氣胸滿煩躁此皆邪熱內燔擾亂神明內閉之象棘手重恙倣仲景瀉心法備參末議再候明眼定裁

川連 黃芩 半夏 炮淡乾薑

生薑 枳實

悞治傷 胃津液

吳 神氣如迷不飢不食乃苦辛消導發散劫奪胃津所

致蓋温邪手經為病。今世多以足六經主治。故致此。

細生地 竹葉心 麥冬 元參心

連翹心 鬱金

王^姬 温熱十三日。舌黃。心中悶痛。初病手經不當用足經。

方老人怕其液涸。甘寒醒胃卻熱。

鮮生地 竹葉心 麥冬 鬱金

川斛 菖蒲根

冬温傷液

吳^五 近日天未寒冷。病虛氣不收藏。所感之邪謂冬温。參

苓益氣。薄荷桔梗杏仁泄氣。已屬背謬。加補骨脂温瀉。腎臟尤不通之極。自述夜寐深更。熱熱有汗。穉年陰不

充陽易泄。論體質可卻病。

桑葉

大沙參

玉竹

苡仁

生甘草

糯米湯煎藥

陳半冬温入肺膠痰化熱因未納穀之身不可重藥消痰

通利

炒麥冬

桑葉

大沙參

甜杏仁

地骨皮

傷氣血兩

某脈數右大煩渴舌絳温邪氣血兩傷與玉女煎

生地

竹葉

石膏

知母

丹皮

甘草

陰虛感温邪

陳三陰虛温邪甘寒清上

白沙參 甜杏仁 玉竹 冬桑葉

南花粉 生甘草

關 陰虛挾溫邪寒熱不止雖不宜發散消食徒補亦屬

無益擬進復脈湯法

炙甘草 阿膠 生白芍 麥冬

炒生地 炒丹皮 青甘蔗汁煎

黃體虛溫邪內伏頭汗淋漓心腹窒塞上熱下冷舌白

煩渴春陽升舉為病猶是冬令少藏所致色脈叅視極

當謹慎

阿膠

生地

麥冬

生牡蠣

勞倦感
温陰液
燥

生白芍 茯苓

張五勞倦內傷。温邪外受。兩月不愈。心中温温。液液津液。無以上供。夜臥喉乾燥。與復脈湯去薑桂參。三服後可

加參。

汪 勞倦更感温邪。陽升頭痛寒熱戰慄冷汗邪。雖外達。陽氣亦泄。致神倦欲眠。舌赤黃胎。口不知味。當以育陰除熱為主。辛散苦降非宜。

復脈湯去參薑桂麻加青甘蔗漿

曹

脈促數。舌白不飢。寒熱汗出。初起腹痛。臍右有形。乃久傷勞倦。復感温邪。今病兩旬。又六。微咳有痰。並不渴

勞倦感
温營衛
胃陽兼
虛

飲寒來微微齒痙。此營衛二氣大衰。恐延虛脫。議固衛陽。冀寒熱得平。

黃芪

桂枝

白芍

炙甘草

牡蠣

南棗

病退胃不和

陳

熱病後。不飢能食。不寐。此胃氣不和。

香豉

黑山梔

半夏

枳實

廣皮白

華

五口鼻受寒暄不正之氣。過募原。擾胃系。寒熱已罷。猶

不飽不飢。舌邊赤。中心黃。餘邪未清。食入變酸。乃邪熱

不勝穀。以溫膽和之。半粳。溫膽去甘草。茯苓。枳實。加鬱

金黑山梔

熱毒壅結上焦

林氏腹滿已久。非是暴症。近日面頰腫脹。牙關緊閉。先有

寒熱。隨現是象。診脈右搏數左小。乃溫邪觸自口鼻上焦先受。氣血與熱膠固。致清竅不利。倏有痺塞之變。理當先治新邪。况頭面咽喉結邪。必辛涼輕劑以宣通。若藥味重濁。徒攻腸胃矣。倣東垣普濟消毒意。

連翹

牛蒡子

馬勃

射干

滑石

夏枯草

金銀花露

金汁

陰虛邪伏

席

脈左數右緩弱。陽根未固。陰液漸涸。舌赤微渴。喘促自利。洩數。晡刻自熱。神煩。嚙語。大溫邪久伏。少陰。古人立法。全以育陰祛熱。但今見症。陰分固有伏邪。真陽亦

不肯收納。議做劉河間濁藥。輕投。不為上焦熱阻。下焦
根蒂自立。冀其煩躁熱蒸漸緩。

熟地炭 茯苓 淡菴蓉 遠志炭

川石斛 五味子 飲子煎法

又晚診陰中伏邪。晡時而升。目赤羞明。舌絳而渴。與育

陰清邪法

生地炭 元參心 川石斛 炒麥冬

犀角 石菖蒲

又脈左數。右軟。舌乾苔白。小溲淋瀝。吸氣喘促。煩汗腎

陰不承。心神熱灼。蒙閉。議以三才湯。滋水制熱。三才加

國語指南醫案 卷五
茯神黃柏金箔。晚進周少川牛黃清心丸一服。

又 昨黃昏後診脈較諸早上左手數疾頓減惟尺中垂而仍動嚙語不已若有妄見因思腎熱乘心臚中微閉神明爲蒙。自屬昏亂隨進周少川牛黃丸一服俾迷漫無質之熱暫可泄降服後頗安辰刻診脈濡小形質大衰舌邊色淡下利稀水夫救陰是要旨讀仲景少陰下利篇上下交征關闔欲撒必以堵塞陽明爲治以陽明司闔有開無闔此症恐不治下焦之陰仍從走泄矣議用桃花湯

人參

赤石脂

炮薑

白粳米

又 晚服照方加茯苓

細詳諸案俱是
熱邪誤治入臟
之壞症居多時
邪溫熱之症絕
少

邪熱兼
酒熱傷
陰

又脈左沉數。右小數。暮熱微汗。時煩。辰刻神清。虛邪仍

留陰分。議用清補。

人參 茯苓 川石斛 炙甘草

黑穠豆皮 糯稻根鬚

又金匱麥門冬湯

程二溫熱病已傷少陰之陰。少壯陰未易復者。恰當真令

發泄百益。酒釀造有灰辛熱劫陰泄氣。致形體頽然。藥

難見效。每日餌雞距子生用。其湯飲用馬料豆湯。

冬傷於寒。春必病溫者。重在冬不藏精也。蓋煩勞多

慾之人。陰精久耗。入春則裏氣大泄。木火內燃。強陽

無制燔燎之勢。直從裏發。始見必壯熱煩冤。口乾舌燥之候矣。故主治以存津液爲第一。黃芩湯堅陰卻邪。卽此義也。再者。在內之溫邪欲發。在外之新邪。又加葱豉湯。最爲捷徑。表分可以肅清。至於因循貽悞。豈止一端。或因氣燥津枯。或致陰傷液涸。先生用挽救諸法。如人參白虎湯。黃連阿膠湯。玉女煎。復脈法。申明條例甚詳。餘則治癩厥。以甘藥緩肝。昏閉用幽芳。開竅。熱痰之溫膽。蓄血而論通瘀。井井有條。法直周到。邵新甫

暑

在天為暑在地為濕。

暑傷氣
分上焦
閉鬱

某

大凡暑與熱乃地中之氣。吸受致病。亦必傷人氣分。氣結則上焦不行。下脘不通。不飢不欲食。不大便。皆氣分有阻。如天地不交。遂若否卦之義。然無形無質。所以清之攻之不效。

杏仁

通草

象貝

栝蘂皮

白蔻

鬱金汁

姚

奔走氣亂。復飲燒酒。酒氣辛熱。有升無降。肺氣贖鬱。上下不通。舌白消渴。氣結自胸及腹。澀澀自利不爽。周

此非治暑之方

從天下降。炎燄自蕩掃無餘。威喜丸二錢十服。

某二身熱。頭脹腕悶。咳噎。此暑邪外襲於肺衛。當清上焦。

絲瓜葉三錢 大杏仁三錢 香薷七分 通草一錢半

飛滑石三錢 白蔻仁五分

陳脈左勁右濡。頭痛腕悶麻痺欲厥。舌白。此暑邪內中。

蒙閉清空。成瘧之象。平昔陰虛。勿犯中下二焦。

嫩竹葉 連翹 飛滑石 野鬱金汁

大杏仁 川貝母

龔二脈寸大頭暈腕中食不多下暑熱氣從上受治以苦

辛寒方

辛香豉

黑山梔

王舌白煩渴。心中脹悶。熱邪內迫。氣分阻閉。當治肺經。

倘逆傳膈中。必致昏厥。

杏仁

鬱金

滑石

黃芩

半夏

橘紅

栝蔞皮

陳五暑濕傷氣。肺先受病。諸氣皆痺。當午後陽升。煩喘更加。天無形氣病。譬以重藥推消。多見不效。

西瓜翠衣

活水蘆根

杏仁

苡仁

又酒客中虛。重鎮攻消。清氣愈傷。夫暑邪皆著氣分。苟

肺司清肅。則其邪不攻自罷。議仍以廓清為法。若雨露

身、膚、腠、皆、痛。汗、大、出、不、解。無、非、暑、濕、熱、氣。始、由、肺、受。漫、布、三、焦。羣、醫、消、導、苦、藥。但、攻、腸、胃。在、上、痞、結、仍、然。議、淡、滲、佐、以、微、辛。合、乎、軒、岐、上、病、治、上、之、方。

此方無苦苦落
西瓜翠衣

川白通草

大豆黃卷

馬兜鈴

射干

苡仁

范

伏暑阻其氣分。煩渴咳嘔喘急。二便不爽。宜治上焦。

杏仁

石膏

炒半夏

黑梔皮

厚朴

竹茹

又

痰多咳嘔。是暑鬱在上。醫家亂投沉降。所以無效。

石膏

杏仁

炒半夏

鬱金

竹葉 杏仁 鬱金 滑石

香豉 山梔

張^四三瘡之邪在陰未經向愈春季洞利不食想春雨外

濕水穀內聚亦濕即濕多成五泄之謂瘡瘕僅泄經隧

濕邪而裏之濕邪未驅長夏吸受暑邪上蒙清空諸竅

咳嗽耳聾的係新邪非得與宿病同日而語

連翹 飛滑石 嫩竹葉 荷葉邊汁

桑葉 杏仁 象貝 黑山梔

程^三暑風必挾濕濕必傷於氣分斷瘧瘡發即濕邪內發

之徵濕伏熱蘊致氣壅塞咽底腕中及至進穀無礙二

便通調。中下無病顯然。

白通草

西瓜翠衣

活水蘆根

苡仁

吳

連朝驟熱。

必有暑氣內侵。頭熱目暝。吸短神迷。此正

虛邪痺。清補兩難。先與益元散三四錢。用嫩竹葉心二

錢煎湯涼用三四小杯。常用萊豆煎湯服。

龔六暑必挾濕。二者皆傷氣分。從鼻吸而受。必先犯肺。乃

上焦病。治法以辛涼微苦。氣分上焦廓清則愈。惜乎專

以陶書六經看病。仍是與風寒先表後裏之藥。致邪之

在上。漫延結錮四十餘日不解。非初受六經。不須再辨

其謬。經云病自上受者。治其上。援引經義以論治病。非

邪僻也。宗河間法。

杏仁

栝萸皮

半夏

薑汁

白蔻仁

石膏

知母

竹瀝

秋露水煎

不入煎藥

又

脈神頗安。昨午發疹。先有寒戰。蓋此病起於濕熱。當

此無汗。肌腠氣窒。至膚間皮脫如麩。猶未能全泄其邪。

風疹再發。乃濕因戰慄為解。一月以來病魔。而肌無膏

澤。瘦削枯槁。古謂瘦人之病。慮涸其陰。陰液不充。補之

以味。然腥羶濁味。徒助上焦熱痰。無益培陰養液。况宿

滯未去。腸胃氣尙窒鈍。必淡薄調理。上氣清爽。痰熱不

至復聚。從來三時熱病。怕反覆於病後之復。當此九仞。

幸加意畱神為上。

元參心 細生地 銀花 知母 生甘草

川貝 丹皮 橘紅鹽水炒 竹瀝

此煎藥方。只用二劑可停。未大便時。用地冬汁膏。大便後。可用三才湯。

池 伏暑至深秋而發。頭痛煩渴少寐。

薄荷 淡竹葉 杏仁 連翹

黃芩 石膏 赤芍 木通

張 病幾一月。猶然耳聾。神識不慧。嗽甚痰粘。呼吸喉間有音。此非傷寒暴感。皆夏秋間暑濕熱氣內鬱。新涼引。

動內伏之邪。當以輕劑清解三焦。奈何醫者不曉伏氣
爲病。但以發散消食寒涼清火爲事。致胃汁消亡。真陰
盡燼。舌邊赤。齒板燥裂。血邪留營中。有內閉癰癩厥逆
之變。况右脈小數。左脈濇弱。熱固在裏。當此陰傷日久。
下之再犯亡陰之戒。從來頭面都是清竅。既爲邪蒙。精
華氣血不肯流行。諸竅失司。聰明矣。此輕清清解。斷斷
然也。議清上焦氣血之壅爲先。不投重劑苦寒。正做古
人肥人之病。慮虛其陽耳。

連翹心

元參

犀角

鬱金

橘紅

蜜水炒

黑梔皮

川貝

鮮菖蒲根

加竹瀝

又 昨進清上焦法。諸症雖然略減。而神識猶未清爽。總由病久陰液內耗。陽津外傷。聰明智慧之氣。俱被濁氣蒙蔽。所以子後午前稍清。他時皆不清明。以陽盛時人身應之也。擬進局方至寶丹。藉其芳香。足以護陽逐邪。庶無內閉外脫之虞。

至寶丹每服三分。燈心嫩竹葉湯送。

又 脈右緩大。左弱。面垢色已減。痰嗽不爽。良由胃中津液爲辛散溫燥所傷。心營肺衛。悉受熱焰蒸迫。致神呆喘急耳聾。清陽阻痺。九竅不利。首方宣解氣血。繼方芳香通竅。無形令其轉旋。三焦自有專司。豈與俗醫但曉

邪滯攻擊而已。今已獲效。當與清養胃陰肺氣。體素豐盛。陽弱不耐沉寒。然深秋冬交。天氣降則上焦先受。試觀霜露下垂。草木皆改容色。人在氣交。法乎天地。兼參體質施治。

枇杷葉

炒黃川貝

橘紅

鬱金

茯苓

苡仁

暑風傷肺

王

暑風熱氣入肺。上熱痰喘嗽。

石膏

運翹

竹葉

杏仁

桑皮

苡仁

橘紅

生甘草

又

肺氣壅遏。身熱喘咳。溺少。葦莖合葶藶大棗湯。

某^二暑風外襲。肺衛氣阻。頭脹咳噎。畏風微熱。防作肺瘧。

絲瓜葉

大杏仁

香薷

桔梗

連翹

六一散

某

舌灰黃。頭痛咳逆。左肢掣痛。此煩勞陽動。暑風乘虛

襲入。最慮風動中厥。

鮮荷葉

三錢

鮮蓮子

五錢

茯神

一錢半

益元散

三錢

川貝母

一錢半

橘紅

一錢

楊^女

暑熱穢濁。阻塞肺部。氣痺腹滿。宜以輕可去實。

西瓜翠衣

白通草

活水蘆根

生苡仁

臨好加入石膏末二錢

周二暑風熱神呆。

鮮荷葉

苦丁茶

滑石

木通

杏仁

厚朴

廣皮

白薏仁

郁六暑熱頭脹咳嗽痛。

鮮荷葉

杏仁

射干

橘紅

桑皮

桔梗

木通

滑石

暑熱阻氣中痞不運

胡

不飢不食不便。此屬胃病。乃暑熱傷氣所致。味變酸。

濁熱痰聚腕。苦辛自能泄降。非無據也。

半夏瀉心湯。去甘草。乾薑加杏仁。枳實。白芷。

王身熱自汗。腹痛。大小便不利。脈虛。右大左小。暑熱內。

閉擬和表裏法。

自汗不宜用也

薄荷

枳實

黃芩

生白芍

竹葉心

黑山梔

通草

甘草

程四穢熱由清竅入直犯募原初頭痛肌脹今不飢痞悶。

以苦辛寒法。

杏仁

半夏

厚朴

橘紅

竹葉

黃芩

滑石

又脈虛舌赤消渴伏暑熱氣過衛入營治在手厥陰。

竹葉

犀角

生地

麥冬

元參

某六舌黃脘悶頭脹口渴溺短此吸受穢氣所致。

飛滑石 三錢

白薏仁 七分

杏仁 三錢

厚朴 一錢半

通草 一錢半

廣皮白 一錢半

某三穢暑吸入內結募原皖悶腹痛便泄不爽法宜芳香

逐穢以疏中焦為主

藿香梗

杏仁

厚朴

茯苓皮

半夏麴

廣皮

香附

麥芽

楊 秋暑內爍煩渴喜得冷飲脈右小弱者暑傷氣分脈

必芫虛也此非結胸症宜辛寒以徹裏邪

石膏

知母

厚朴

杏仁

半夏

薑汁

沈三脈小色白。氣分不足。兼之胃弱。少食。聞穢濁。要刮痧。
 陰柔之藥。妨胃助濁。常以猪肚丸養胃。入夏令熱更傷
 氣。每食遠進。生脈四君子湯一劑。恪守日服。可杜夏季
 客暑之侵。生脈四君子湯。長服猪肚丸。
 卜二。春夏必吞酸。肢痿麻木。此體虛不耐陽氣升泄。乃熱
 傷氣分為病。宗東垣清暑益氣之議。

人參 黃芪 白朮 甘草 麥冬

五味 青皮 陳皮 澤瀉 葛根

升麻 黃柏 歸身 神麩

任六。沖年真陰未長。逢長夏濕熱交迫。斯氣泄煩倦。當靜

坐涼爽。過月涼颺。至炎燄去。乃卻病之期。與清暑益氣之屬。清暑益氣法。

徐四長夏濕熱令行。肢起。膿窠。煩倦。不嗜食。此體質才怯。

而濕與熱邪。皆傷氣分。當以注夏同參。用清暑益氣法。

方用東垣然用藥雜亂無紀不足法也

人參

白朮

廣皮

五味

麥冬

川連

黃柏

升麻

葛根

神麴

麥芽

穀芽

乾荷葉汁泛丸

煩勞傷暑胃虛

施^四以煩勞傷陽。交長夏發泄。令加見症。都是氣弱。亦熱。

傷氣也。煩渴有痰。先治其胃。蓋陽明經脈。主乎束筋骨。

以流利機關耳。金匱麥門冬湯。

吳診脈肝膽獨大尺中動數先天素弱水虧木少滋榮
當春深長夏天地氣機泄越身中煩倦食減皆熱傷元
氣所致進以甘酸充養胃陰少俟秋肅天降培植下焦
固納為宜

炒麥冬 木瓜 北沙參 生甘草 烏梅

暑入心營

程暑久入營夜寐不安不飢微痞陰虛體質議理心用

鮮生地 元參 川連 銀花

連翹 丹參

顧三陰虛遺熱小便淋瀝近日冒暑初起寒熱頭痛汗出
不解肌肉麻木手足牽強神昏如寐成瘧則輕癩厥則

重。

犀角

元參

小生地

連翹心

竹葉心

石菖蒲

滑石

化牛黃丸

一服

某

初病伏暑傷於氣分微熱渴飲邪犯肺也失治邪張

逆走膈中遂舌絳縮小便忽閉鼻煤裂血口瘡耳聾神

呆由氣分之邪熱漫延於血分矣夫肺主衛心主營營

衛二氣晝夜行於經絡之間與邪相遇或涼或熱今則

入於絡津液被劫必漸昏寐所謂內閉外脫

鮮生地

連翹

元參

犀角

石菖蒲

金銀花

暑風入營

汪 暑風久入營絡。微熱忽涼。議用玉女煎。

玉女煎去麥冬牛膝加丹皮竹葉

暑病久延傷液

金

熱止津津汗出伏暑已解。只因病魔日久。平素積勞。

形色脈象虛衰深慮變病。今飲食未進。寤寐未寧。議以
斂液補虛

人參 茯苓 麥冬 五味

炒白芍 塊辰砂一兩綿裹同煎

又

熱久胃汁被劫不飢不便亦病後常事耳。古人論病。

必究寢食。今食未加餐難寐。神識未清。為病傷元氣而

熱病必消燥真陰。議用三才湯意。

暑熱深
入陰

人參 天冬 生地 麥冬 五味子

顧

右脈空大左脈小乳寒熱麻痺腰痛冷汗平素積勞
內虛秋暑客邪遂干臟陰致神迷心熱煩躁刮痧似乎
略爽病不肯解此非經絡間病頗慮熱深劫陰而為瘧
厥張司農集諸賢論暑病謂入肝則麻痺入腎為消渴
此其明徵議清陰分之邪仍以養正輔之

阿膠 小生地 麥冬 人參

小川連 烏梅肉

暑濕瀰
漫三焦

某

暑濕熱氣觸入上焦孔竅頭脹腕悶不飢腹痛惡心
延久不清有瘧痢之憂醫者不明三焦治法混投發散

消食宜乎無效

杏仁

香豉

橘紅

黑山梔

半夏

厚朴

滑石

黃芩

張

舌白罩灰黑。胸脘痞悶。潮熱嘔惡。煩渴汗出。自利伏

暑內發。三焦均受。然清理上中為要。

杏仁

滑石

黃芩

半夏

厚朴

橘紅

黃連

鬱金

通草

某二暑熱鬱遏。頭脹脘痛。口渴溺短。當清三焦。

絲瓜葉

飛滑石

淡竹葉

茯苓皮

厚朴

藿香

廣皮

通草

何暑濕皆客邪也。原無質。故初起頭脹胸滿。但傷上焦氣分耳。酒家少穀。胃氣素薄。一派消導。雜以辛散苦寒。胃再傷殘。在上濕熱。延及中下。遂協熱自利。三焦邪蒸。氣衝塞填胸。躁亂口渴。瓜菓下皖。格拒相鬪。此中宮大傷。况進熱飲。略受其爲。胃陽殘憊。而邪結內踞。可知矣。考暑門時風煩躁。清濁交亂者。昔賢每以來復丹五六十粒。轉運清濁爲先。攻補難施之際。望其效靈耳。

來復丹

吳目黃皖悶咽中不爽。嘔逆寒少熱多。暑濕客氣之傷。

三焦不通。非風寒之症。

三大竹葉 黃芩 杏仁 滑石 陳皮

厚朴 半夏 薑汁

又 暑濕熱皆氣也。竝釀蓄濁痰於胃。遂口甜膩滯不飢。議以宣氣理痰。

川貝母 栝萸皮 杏仁 黑山梔 澤瀉

另用二賢散

某^四診脈弦。午後惡寒似熱。不飢。溺瀉短赤。暑熱炎蒸。外襲肺衛。遊行三焦。致氣分窒痺。而然。當用和法。宜薄滋味。庶杜瘧患。

杏仁 香薷 木通 飛滑石

茯苓 厚朴

白蔻仁

淡竹葉

又照前方去香薷加半夏

楊二暑熱必挾濕吸氣而受先傷於上故仲景傷寒先分

六經河間溫熱須究三焦大凡暑熱傷氣濕著阻氣肺

主一身周行之氣位高為手太陰經據述病樣面赤足

冷上腕痞塞其為上焦受病顯著緣平素善飲胃中濕

熱久伏辛溫燥烈不但肺病不合而胃中濕熱得燥熱

錮閉下利稀水即協熱下利故黃連苦寒每進必利甚

者苦寒以勝其辛熱藥味尚留於胃底也然與初受之

肺邪無當此石膏辛寒辛先入肺知母為味清涼為肺

無此理乃用藥未當耳

之母氣。然不明肺邪。徒曰生津焉。是至理。昔孫真人未
診。先問最不便事。再據主家說。及病起兩旬。從無汗泄。
經云。暑當汗出。勿止。氣分窒塞。日久。熱侵入血中。咯痰
帶血。舌紅赤。不甚渴飲。上焦不解。漫延中下。此皆急清
三焦。是第一章旨。故熱病之瘀熱。留絡而為遺毒。注腑
腸。而為洞利。便為束手無策。再論濕。乃重濁之邪。熱為
薰蒸之氣。熱處濕中。蒸淫之氣。上迫清竅。耳為失聰。不
與少陽耳聾同例。青蒿減柴胡一等。亦是少陽本藥。且
大病如大敵。選藥若選將。苟非慎重。鮮克有濟。議三焦
分清治。從河間法。初三日。

飛滑石

生石膏

寒水石

大杏仁

炒黃竹茹

川通草

瑩白金汁

金銀花露

又

暮診診脈後。腹胸肌腠發現癩疹。氣分濕熱。原有暗泄之機。早間所談餘邪遺熱。必兼解毒者。爲此下午進藥後。診脈較大於早晨。神識亦如前。但舌赤中心甚乾。燥身體捫之熱甚於早間。此陰分亦被熱氣蒸傷。瘦人慮其夜涸。然痰咯不清。養陰藥無往而非膩滯。議得早進清瀉一劑。而三焦熱穢之蓄。當用紫雪丹二三匙。藉其芳香。宜竅逐穢。斯錮熱可解。濁痰不粘。繼此調理之方。清營分。滋胃汁。始可瞻顧。其宿垢欲去。猶在旬日之

外。古人謂下不嫌遲。非臆說也。紫雪丹一錢六分

太多

知母 竹葉心 連翹心 炒川貝 竹瀝

犀角 元參 金汁 銀花露

又一劑後用

竹葉心 知母 菜豆皮 元參

鮮生地 金銀花

又一劑後去銀花菜豆皮加人參麥冬

又 初十申刻診。經月時邪脈形小數。小為病退。數為餘

熱。故皮腠麤。蛻氣血有流行之義。思食欲餐。胃中有醒。豁之機皆佳兆也。第舌赤而中心黃。苔熱蒸。既久胃津

陰液俱傷。致嘔物咽中若阻。溺澀尿管猶痛。咯痰濃厚。宿垢未下。若急遽攻奪。恐真陰更涸矣。此存陰為主。而清腑兼之。故亂進食物。便是助熱。惟清淡之味。與病不悖。自來熱病。最怕食復勞復。舉世共聞。非臆說也。

細生地 元參心 知母 炒川貝

麥冬 地骨皮 銀花露 竹瀝

又脈症如昨。仍議滋清陰分餘熱。佐清上腕熱痰。

照昨日方。去地骨皮。銀花露。加鹽水炒橘紅。

某脈虛傷暑。頭重腕悶。跗痠。

絲瓜葉 三錢 大杏仁 三錢 六一散 三錢 茯苓皮 三錢

此症總有蘊熱
在內立此等方
胎後人不少
此老偶一為之
近人則一概用
此法矣

暑厥

暑瘵

暑邪入厥陰

漢防已一錢

綿茵陳一錢

細木通一錢

白蔻仁五分

某

中惡暑厥

蒼朮白虎湯加滑石

王

暑邪寒熱舌白不渴吐血此名暑瘵重症

西瓜翠衣

竹葉心

青荷葉汁

杏仁

飛滑石

苡仁

萬

暑邪不解陷入厥陰舌灰消渴心下板實嘔惡亡虬

寒熱下利血水最危之症

川連

黃芩

乾薑

生白芍

川椒

烏梅

人參

枳實

江

暑邪深入厥陰舌縮少腹堅滿聲音不出自利上下

格拒危期至速。勉擬暑門酸苦泄熱。輔正驅邪一法。

黃連

淡乾薑

烏梅

生白芍

半夏

人參

枳實

暑兼血症

某八十勞傷挾暑。肺氣受戕。咳血口乾。先清暑熱。

鮮荷葉

白扁豆

大沙參

茯神

苡仁

朱三三三伏中陰氣不生。陽氣不潛。其頭脹身痛。是暑邪初受。暑濕熱必先傷氣分。故舌白口渴身痛。早晨清爽。午夜煩蒸。狀如溫瘧。沐浴繞動血絡。宿病得時邪而來。仲景云。先治新病。後理宿病。是亦陰氣先傷。陽氣獨發也。

鮮生地

石膏

知母

元參

此說甚通

連翹

竹葉心

荷葉汁

王^三雖是欬痰失血。然強能食。不知飢。目黃。晡熱。舌心黃。

已現暑熱客邪症象。此先宜清理肺胃。莫因久恙而投臆補。

杏仁

象貝母

鬱金

川通草

桑葉

石膏

橘紅

苡仁

又晚服枇杷葉膏。早六味加阿膠麥冬。

又阿膠

雞子黃

小生地

麥冬

桑葉

炒黑丹皮

徐^三勞傷挾暑。咳血不飢。

鮮荷葉汁

沖

大沙參

生苡仁

六一散

菜豆皮

杏仁

橘紅

白蔻仁

天之暑熱一動地之濕濁自騰人在蒸淫熱迫之中。若正氣設或有隙則邪從口鼻吸入氣分先阻上焦清肅不行輪化之機失於常度水穀之精微亦蘊結而爲濕也人身一小天地內外相應故暑病必挾濕者卽此義耳前人有因動因靜之分或傷或中之候以及入心入肝爲瘧爲痢中痧霍亂暴厥卒死種種傳變之原各有精義可參茲不重悉想大江以南地卑氣薄濕勝熱蒸當此時候更須防患於先昔李笠

翁記中所謂使天只有三時而無夏則人之病也必稀此語最確蓋暑濕之傷驟者在當時爲患緩者於秋後爲伏氣之疾其候也脈色必滯口舌必膩或有微寒或單發熱熱時脘痞氣窒渴悶煩冤每至午後則甚入暮更劇熱至天明得汗則諸恙稍緩日日如是必要兩三候外日減一日方得全解倘如元氣不支或調理非法不治者甚多然是病比之傷寒其勢覺緩比之瘧疾寒熱又不分明其變幻與傷寒無二其愈期反覺纏綿若表之汗不易徹攻之便易溇瀉過清則肢冷嘔惡過燥則唇齒燥裂每遇秋來最多

是症求之古訓不載者多。獨已任編名之曰秋時晚發感症。似瘧總當以症之法治之。要知伏氣爲病。四時皆有。但不比風寒之邪。一汗而解。溫熱之氣。投涼卽安。夫暑與濕爲熏蒸粘膩之邪也。最難驟愈。若治不中。竅暑熱從陽上薰而傷陰。化燥濕邪從陰下沉而傷陽。變濁以致神昏耳聾舌乾。衄血腕痞嘔惡。洞泄肢冷棘手之候。叢生竟至潰敗莫救矣。叅先生用意。宗劉河間三焦論立法。認明暑濕二氣何者爲重。再究其病實在營氣何分。大凡六氣傷人。因人而化。陰虛者火旺邪歸營分爲多。陽虛者濕勝邪傷氣。

分爲多。一則耐清。一則耐溫。臟性之陰陽。從此可知也。於是在上者以辛涼微苦。如竹葉連翹杏仁薄荷之類。在中者以苦辛宣通。如半夏瀉心之類。在下者以溫行寒性質重開下。如桂苓甘露飲之類。此皆治三焦之大意也。或有所夾。又須通變。至於治氣分有寒溫之別。寒者宗諸白虎法。及天水散意。溫者從乎二陳湯及正氣散法。理營分知清補之宜。清者如犀角地黃加入心之品。補者有三才復脈等方。又如濕熱沉混之蒼朮石膏湯。氣血兩燔之玉女法。開閉逐穢與牛黃及至寶紫雪等劑。扶虛進參附及兩儀諸

法隨其變幻。審其陰陽。運用之妙。存乎心也。附驥蕪
詞。高明教正。邵新甫

所列諸案皆平素伏暑之症爲多。其卒然受暑之病絕少。
若卒受之症則當以香茹飲爲主。不可不知也。

此老治暑邪能用輕清涼潤之品以和肺。是其所長。但暑
邪深入必有悶亂煩躁等症。近於霍亂。此則更有治法。至
於病重症危。屬熱邪橫逆。不但人參不可輕用。而桂附乾
薑服之無不立斃。乃亦倣仲景傷寒壞症治法。輕於一試。
當時不知有害與否。而耳食之徒。竟以爲必用之藥。託名
本於此老。我見死者甚多。傷心慘目。不得不歸咎於作俑。

之人也

...

...

...

...

...

...

...

...

...

...

...

濕

濕阻上焦肺不肅降

馮三。舌白頭脹身痛肢疼胸悶不食溺阻當開氣分除濕。

飛滑石

杏仁

白蔻仁 大竹葉

炒半夏

白通草

王。酒肉之濕助熱內蒸釀痰阻塞氣分不飢不食便溺

不爽亦三焦病先論上焦莫如治肺以肺主一身之氣

化也。

杏仁

栝蔞皮

白蔻仁

飛滑石

半夏

厚朴

吳^五酒客濕勝。變痰化火。性不喜甜。熱聚胃口。犯肺氣逆。

吐食上中濕熱。主以淡滲。佐以苦溫。

大杏仁 金石斛 飛滑石 紫厚朴 活水蘆根

孔^下心中熱。不飢不寐。目黃自利。濕熱內伏。主一良之尿。

淡黃芩 連翹 蒸麩 炒杏仁 白通草

滑石 野赤豆皮

肺濕溫阻

某^二濕溫阻於肺衛。咽痛足跗痺痛。當清上焦。濕走氣自

和

飛滑石 竹葉心 連翹 桔梗

射干 蘆根

周病起旬日。猶然頭脹。漸至耳聾。正如內經病能篇所云。因於濕。首如裹。此呃忒鼻衄。皆邪混氣之象。况舌色帶白。咽喉欲閉。邪阻上竅。空虛之所。諒非苦寒直入胃中。可以治病。病名濕溫。不能自解。卽有昏瘡之變。醫莫泛稱時氣而已。

連翹 牛蒡子 銀花 馬勃

射干 金汁 水不煎 中下三煎交

濕熱穢氣阻竅

李三時令濕熱之氣觸自口鼻。由募原以走中道。遂致清肅不行。不飢不食。但溫乃化熱之漸。致機竅不為靈動。與形質滯濁有別。此清熱開鬱必佐芳香以逐穢為法。

血枯萸皮 桔梗 黑山梔 香豉

枳殼 鬱金 降香末

某 吸受穢邪。募原先病。嘔逆邪氣。分布營衛。皆受遂熱。

蒸頭脹。身痛經旬。神識昏迷。小水不通。上中下三焦交

病。舌白渴不多飲。是氣分窒塞。當以芳香通神。淡滲宣

竅。俾穢濕濁氣。由此可以分消。

苡仁 茯苓皮 猪苓 大腹皮

通草 淡竹葉 牛黃丸 二九

吳 濕邪中傷之後。脾胃不醒。不飢口渴。議清養胃津為

胃津 濕熱傷 胃津 穩

濕温邪
入心胞

濕熱內
陷

鮮省頭草 知母 川斛 苡仁 炒麥冬

張 軀體壯有濕。近長夏陰雨潮濕。著於經絡。身痛。自利發

熱。仲景云。濕家大忌發散。汗之則變痙厥。脈來小弱而

緩。濕邪凝遏。陽氣病。名濕温。濕中熱氣。橫沖心胞絡。以

致神昏。四肢不煖。亦手厥陰見症。非與傷寒同法也。

犀角 連翹心 元參 石菖蒲

金銀花 野赤豆皮 煎送至寶丹

蔡 陽虛挾濕邪熱內陷。所以神識如蒙。議用瀉心法。

人參 生乾薑 黃芩 川連

枳實 生白芍

濕鬱脾陽

張六一此濕蘊氣中。足太陰之氣。不為鼓動運行。試以痞結

胸滿仲景列於太陰篇中。概可推求其理矣。

半夏醋炒 茯苓 川連 厚朴 通草湯煎

周 濕傷脾陽。腹膨小溲不利。

茅朮 厚朴 茯苓 澤瀉

猪苓 秦皮 干薑 白朮 茯苓 澤瀉 厚朴 枳實 芍藥 桂枝 甘草 大棗 小麥 白朮 茯苓 澤瀉 厚朴 枳實 芍藥 桂枝 甘草 大棗 小麥

又 五苓散 又 二朮膏

范 四肢乍冷。自利未已。目黃稍退。而神倦不語。濕邪內

伏。足太陰之氣不運。經言脾竅在舌。邪滯竅必少靈。以

致語言欲蹇。必當分利。佐辛香以默運坤陽。是太陰裏

此等症多由風痰盤踞上焦所致。概以清濕之法治之。恐有未當。

症之法。

生於朮 三錢 厚朴 五分 茯苓 三錢 草薹仁 七分

木瓜 五分 澤瀉 五分

又 身體稍稍轉動。語蹇神呆。猶是氣機未為靈轉。色脈非是有餘。而濕為陰邪。不徒偏寒偏熱已也。

生於朮 茯苓 苡仁 鬱金

炒遠志 石菖蒲汁

又 脾胃不醒。皆從前濕蒸之累。氣升咳痰。參藥緩進。

炒黃川貝 茯苓 苡仁 鬱金

地骨皮 淡竹葉

又濕滯於中。氣蒸於上。失降不得寐。口數白疳。仍不渴。飲開上鬱。佐中運。利腸間。亦是宣通三焦也。

生於朮 五錢 苡仁 三錢 寒水石 一錢半 桔梗 七分

猪苓 一錢 澤瀉 一錢 廣皮白 一錢半

濕阻中焦陽氣 曹 三 腸胃屬腑。濕久生熱。氣阻不爽。仍以通為法。

生於朮 川黃連 厚朴 淡生薑渣

廣皮白 酒煨大黃 水法丸服三錢

李 四 脈小。瀉痰多。上湧。食入脘阻。大便不爽。上秋至今夏

不愈。自述飢飽失和。曾病黃疸。以濕傷氣痺。主治。

大杏仁 苡仁 半夏 薑汁

茯苓

橘紅

鬱金

香豉

俞五酒濕鬱傷。腕中食阻而痛。治以辛苦寒。

小川連

半夏

薑汁

枳實

茯苓

香豉

某九舌白目黃。口渴溺赤。脈象呆鈍。此屬濕鬱。

綿茵陳

生白朮

寒水石

飛滑石

三錢

一錢

三錢

三錢

桂枝木

茯苓皮

木猪苓

澤瀉

一錢

三錢

三錢

一錢

李胃酒客中虛。粵地潮濕。長夏涉水。外受之濕。下起水穀。

不運。中焦之濕內聚。治法不以宣通經腑。致濕阻氣分。

鬱而為熱。自脾胃不主運通。水濕橫漬於脈腠之間。二

便不爽。濕熱濁氣交扭混亂。前輩治中滿。必曰分消。此分字。明明謂分解之義。但亂藥既多。不能去病。就是脾胃受傷於藥。蔓延腿肢腫極。且痛病深路遠。藥必從喉入胃。然後四布。病所未得藥益。清陽先已受傷。此湯藥難以進商也。議用丹溪小溫中丸三錢。專以疎利腸中。取其不致流散諸經。亦一理也。小溫中丸八服。
某^三陽微體質。濕痰內聚。便溏脫悶。肌麻舌乾。清理濕邪。
氣機升降自安。

金石斛

茯苓

半夏

廣皮白

鈎藤

白茯苓

張脈右緩。濕著阻氣。

厚朴

廣皮

煨草菓

炒查肉

藿香梗

炒神麩

某二不耐煩勞是本虛。腕悶便泄屬濕邪。先治濕後治本。

藿香梗

廣皮

茯苓

大腹皮

厚朴

穀芽

陸濕滯如痞。

山茵陳

草果仁

茯苓皮

大腹皮絨

厚朴

廣皮

猪苓

澤瀉

汪三舌黃。腕悶穢濕內著。氣機不宣。如久釀蒸必化熱氣。

即有身熱之累

杏仁 藿香 茯苓皮 滑石

厚朴 廣皮白

某 閱病源皆濕熱內停之象當走濕清熱為主至於藥

酒蘊濕助熱尤當永戒

生白朮 赤小豆皮 綿茵陳 黃柏

茯苓 澤瀉

某 脈濡頭脹胸身重著而痛寒熱微嘔此濕阻氣分

厚朴 杏仁 白蔻仁 木通

茯苓皮 大腹皮 滑石 竹葉

某長夏外受暑濕。與水穀之氣相併。上焦不行。下脘不通。氣阻熱從濕下蒸。逼不飢不食。目黃舌白。氣分之結。

厚朴

杏仁

廣皮

茯苓

半夏

薑汁

某脈緩身痛。汗出熱解。繼而復熱。此水穀之氣不運。濕

復阻氣鬱而成病。仍議宣通氣分。熱自濕中而來。徒進

清熱不應。

黃芩

滑石

茯苓皮

大腹皮

白薏仁

通草

猪苓

白

方四形質頽然。脈遲小瀼。不食不寐。腹痛大便窒痺。平昔

嗜酒。少穀中虛濕結陽傷寒濕濁陰鳩聚為痛。

炒黑生附子 炒黑川椒 生淡乾薑 葱白

調入猪膽汁一枚

王五 冷濕損陽經絡拘束形寒酒客少穀勞力所致。

桂枝 淡乾薑 熟附子 生白朮

莫五 今年夏四月寒熱不飢是時令潮沴氣蒸內應脾胃。

夫濕屬陰晦必傷陽氣吞酸形寒乏陽運行議鼓運轉

旋脾胃一法 苓薑朮桂湯

某六 地中濕氣自足先腫濕屬陰邪陽不易復畏寒筋骨

猶牽強無力以金匱苓薑朮桂湯

陳五濁凝氣結有形酒肉挾濕

葷撥風 生香附汁干木香 草果

茯苓 廣皮白

江脈緩臍上痛腹微膨便稀溺短不爽此乃濕鬱脾胃之陽致氣滯裏急宗古人導濕分消用桂苓散方

生茅朮 官桂 茯苓 厚朴 廣皮白

飛滑石 猪苓 澤瀉 炒查肉

林五中年清陽日薄忽然腕中痞悶乃清陽不自轉旋酒肉濕濁之氣得以凝聚矣過飲溏瀉濕傷脾胃陽微仲景法以輕劑宣通其陽若投破氣開降最傷陽氣有

格拒之害。 苓桂朮甘湯

嚴三胸滿不飢。是陽不運行。嗜酒必挾濕凝阻其氣。久則

三焦皆閉。用半硫丸。二便已通。議治上焦之陽。

苓桂朮甘湯

王二病人述病中厚味無忌。腸胃滯雖下。而留濕未解。濕

重濁。令氣下墜於肛。肛墜痛不已。胃不喜食。陽明失闔。

舌上有白腐形色。議劫腸胃之濕。

大腸有熱不得用燥補之劑

生茅朮

人參

厚朴

廣皮

炮薑灰

生炒黑附子

胡二受濕患瘡。久瘡陽乏氣泄。半年淹淹無力。食少噁噫。

難化。此脾胃病。法以運中陽為要。

茯苓

桂枝

生於朮

炙草

苡仁

生薑

汪

夏令脾胃司氣。兼以久雨泛潮。地中濕氣上干。食味

重濁少運。所謂濕勝成五泄也。古云寒傷形。熱傷氣。芒

種夏至。天漸熱。宜益氣分以充脾胃。此夏三月必有康

健之理。補中益氣湯

濕邪瀰漫三焦

某十五穢濕邪。吸受由募原。分布三焦。升降失司。腕腹脹悶。

大便不爽。當用正氣散法。

藿香梗

厚朴

杏仁

廣皮白

茯苓皮

神麩

麥芽

綿茵陳

蔡仲景云。小便不利者為無血也。小便利者血症諦也。此症是暑濕氣蒸。三焦瀰漫。以致神昏。乃諸竅阻塞之兆。至小腹硬滿。大便不下。全是濕鬱氣結。彼分醫猶然以滋味呆鈍滯藥。與氣分結邪相反極矣。議用甘露飲法。

猪苓

浙茯苓

寒水石

晚蠶沙

阜莢子

皮去

某^{十四}脘悶便溏。身痛脈象模糊。此屬濕蘊三焦。

厚朴

廣皮

藿香梗

茯苓皮

大豆黃卷

木防己

川通草

苡仁

牛 向年積聚。悞服燥熱諸藥。頻與清奪推陳致新。乃安

身處江南濕熱之鄉。飲啖仍用山右濃重之味。畱執由

腸升膈。三焦不清。議攻無形之熱。

清心涼膈。去芒硝加菖蒲。

韓三 冷酒水濕傷中。上嘔食下泄。脂液陽氣傷極。再加浮

腫作脹則危。

人參

茯苓

熟附子

生於朮

生白芍

生薑

又 酒濕類聚。例以分利診脈微。陽氣已敗。濕壅生熱。至

胃癰。膿。清熱則陽亡。即死。朮苓運中祛濕。佐附迅走氣

酒濕傷 陽鬱生 胃癰

分亦治濕一法。

茯苓

熟附子

生白朮

左牡蠣

澤瀉

車前子

陽衰濕傷脾腎

龐四濕久脾陽消乏。中年未育子腎真亦憊。做安腎丸法。

鹿茸

胡蘆巴

附子

韭子

赤石脂

補骨脂

真茅朮

茯苓

兔絲子

大茴香

張五陽傷痿弱。有濕麻痺痔血。

生白朮

附子

乾薑

茯苓

某三舌白身痛。足跗浮腫。從太谿穴水流如注。此濕邪伏

於足少陰。當用溫蒸陽氣為主。

肝胃濕熱

楊

鹿茸

淡附子

草果

菟絲子

茯苓

厥陰為病必錯雜不一瘡痢之後肝臟必虛發症左脇有痞腹中塊礪外堅脇下每常汨汨有聲惡虛就實常有寒熱胃中不知飢而又嘈雜吞酸脈長而數顯然厥陰陽明濕熱下滲前陰陽縮而為濕熱症也議用升發陽明胃氣滲泄厥陰濕熱其症自愈

蒼朮

半夏

茯苓

橘紅

通草

當歸

柏子仁

沙蒺藜

川棟子

茴香

即丸方

濕鬱肢節冷痛

浦氏

胸膈迷漫胃痛嘔食肢節屈曲處冷痛經落後來時

周身腰脊不舒。脈弦沉痛。即便溏。此濕鬱阻閉。氣血不行。用藥先須斷酒。

濕熱入經絡為痺

徐

溫瘧初愈。驟進濁膩食物。濕聚熱蒸。蘊於經絡。寒戰熱熾。骨節煩疼。舌起灰滯之形。面目痿黃色。顯然濕熱為痺。仲景謂濕家忌投發汗者。恐陽傷變病。蓋濕邪重著。汗之不却是苦味辛通為要耳。

生茅木 炮黑川烏 薑汁 白芥子

厚朴 廣皮 萆撥 茯苓

防已 杏仁 滑石 醋炒半夏

連翹 山梔 苡仁 野赤豆皮

不通

方案重複今因
者生厭編書者
意欲何為

濕鬱經
脈痛

某^四風暑濕渾雜。氣不主宣。咳嗽頭脹。不飢。右肢若廢。法

當通陽驅邪。

杏仁 三錢

苡仁 三錢

桂枝 五分

生薑 七分

厚朴 一錢

半夏 一錢

漢防已 一錢

白茯苓 二錢

某 汗多身痛。自利小溲全無。胸腹白疹。此風濕傷於氣

分。醫用血分涼藥。希冀熱緩。殊不知濕鬱在脈。為痛濕

家本有汗不解。

苡仁

竹葉

白薏仁

滑石

茯苓

川通草

濕為重濁有質之邪。若從外而受者。皆由地中之氣

治濕不用燥熱
之品皆以芳香
淡滲之藥疎肺
氣而和膀胱此
為良法惟健脾
消痰培土之方
未備則於固本
之法猶有缺耳

升騰從內而生者。皆由脾陽之不運。雖云霧露雨濕。上先受之。地中潮濕。下先受之。然霧露雨濕。亦必由地氣上升而致。若地氣不升。則天氣不降。皆成燥症矣。何濕之有。其傷人也。或從上。或從下。或遍體皆受。此論外感之濕邪。著於肌軀者也。此雖未必即入於臟腑。治法原宜於表散。但不可大汗耳。更當察其兼症。若兼風者。微微散之。兼寒者。佐以溫藥。兼熱者。佐以清藥。此言外受之濕也。然水流濕。火就燥。有同氣相感之理。如其人飲食不節。脾家有濕。脾主肌肉四肢。則外感肌軀之濕。亦漸次入於臟腑矣。亦有外不

受濕。而但濕從內生者。必其人膏粱酒醴過度。或嗜
飲茶湯太多。或食生冷瓜菓及甜膩之物。治法總宜
辨其體質陰陽。斯可以知寒熱虛實之治。若其人色
蒼赤而瘦。肌肉堅結者。其體屬陽。此外感濕邪。必易
於化熱。若內生濕邪。多因膏粱酒醴。必患濕熱。濕火
之症。若其人色白而肥。肌肉柔軟者。其體屬陰。若外
感濕邪。不易化熱。若內生之濕。多因茶湯生冷太過。
必患寒濕之症。人身若一小天地。今觀先生治法。若
濕阻上焦者。用開肺氣。佐淡滲。通膀胱。是卽啟上開
開支河。導水勢下行之理也。若脾陽不運。濕滯中焦。

者用朮朴薑半之屬以溫運之。以苓澤腹皮滑石等
滲泄之。亦猶低窠濕處。必得烈日曬之。或以剛燥之
土培之。或開溝渠以泄之耳。其用藥總以苦辛寒治
濕熱。以苦辛溫治寒濕。槩以淡滲佐之。或再加風藥。
甘酸膩濁在所不用。總之腎陽充旺。脾土健運。自無
寒濕諸症。肺金清肅之氣下降。膀胱之氣化通。調自
無濕火濕熱暑濕諸症。若夫失治變幻。則有腫脹黃
疸泄瀉淋閉痰飲等類。俱於各門兼參之可也。華岫

雲

醫部全錄卷五 醫部全錄卷五 醫部全錄卷五 醫部全錄卷五 醫部全錄卷五

燥

氣分熱

某

脈右數大。議清氣分中燥熱。

桑葉

杏仁

大沙參

象貝母

香鼓

黑梔皮

肺胃津液虛

卞

夏熱秋燥致傷。都因陰分不足。

冬桑葉

玉竹

生甘草

白沙參

生扁豆

地骨皮

麥冬

花粉

火鬱上焦

某

燥火上鬱。齟脹咽痛。當辛涼清上。

薄荷梗

連翹殼

生甘草

黑梔皮

桔梗 菉豆皮

心陽過動傷液

王六老人舌腐肉消肌枯心事繁冗陽氣過動致五液皆

涸而為燥冬月無妨夏月深處林壑心境凝然可以延

年。每早服牛乳一杯

胃陰虛

陳秋燥復傷宿恙再發未可補濟姑與甘藥養胃。

麥冬

玉竹

北沙參

生甘草

茯神

糯稻根鬚

某

肺下治腎上燥治氣下燥治血此為定評今陽明胃腑之虛因

久病嘔逆投以辛耗破氣津液劫傷胃氣不主下行致

腸中傳送失司經云六腑以通為補半月小效全在一

通補工夫。豈徒理燥而已。議甘寒清補胃陰。

鮮生地 天冬 人參 甜梨肉 生白蜜

液熟劫陰

張脈數虛。舌紅口渴。上齟乾涸。腹熱不飢。此津液被劫。

陰不上承。心下溫溫液液。用炙甘草湯。

炙甘草 阿膠 生地 麥冬

人參 麻仁

某氏心中煩熱。正值經來。而熱渴不已。若清肺氣大謬。用

復脈法。

炙甘草 生地 阿膠 麥冬

棗仁 蔗漿

某陽津陰液重傷。餘熱淹留不解。臨晚潮熱。舌色若赭。頻飲救亢陽。焚燎究未能解渴。形脈俱虛。難投白虎。議以仲景復脈一法。為邪少虛多。使少陰厥陰二臟之陰少甦。冀得胃關復振。因左關尺空數不藏。非久延所宜耳。

人參

生地

阿膠

麥冬

炙草

桂枝

生薑

大棗

燥為乾瀆不通之疾。內傷外感宜分。外感者由於天時風熱過勝。或因深秋偏亢之邪。始必傷人上焦氣分。其法以辛涼甘潤肺胃為先。喻氏清燥救肺湯及

先生用玉竹門冬桑葉薄荷梨皮甘草之類是也。內傷者乃人之本病。精血下奪而成。或因偏飢燥劑所致。病從下焦陰分先起。其法以純陰靜藥柔養肝腎爲宜。大補地黃丸六味丸之類是也。要知是症大忌者苦瀉。最喜者甘柔。若氣分失治。則延及於血。下病失治。則槁及乎上。喘咳痿厥三消噫膈之萌。總由此致。大凡津液結而爲患者。必佐辛通之氣味。精血竭而爲患者。必藉血肉之滋填。在表佐風藥而成功。在腑以緩通爲要務。古之滋燥養營湯潤腸丸五仁湯瓊玉膏一炁丹牛羊乳汁等法。各有耑司也。

邵新甫

如論

癘邪入
臙漸于
心胞

朱

疫

疫癘穢邪。從口鼻吸受。分布三焦。瀰漫神識。不是風寒客邪。亦非停滯裏症。故發散消導。卽犯劫津之戒。與傷寒六經大不相同。今喉痛丹疹舌如硃。神躁暮昏。上受穢邪。逆走臙中。當清血絡。以防結閉。然必大用解毒。以驅其穢。必九日外。不致昏憤。冀其邪去正復。

犀角

連翹

生地

玄參

菖蒲

鬱金

銀花

金汁

姚

疫毒口糜丹疹喉啞。治在上焦。

犀角

鮮生地

玄參

連翹

石菖蒲

銀花

金汁

至寶丹

譚

口鼻吸入穢濁。自肺系漸干。心胞絡初病。喉痛舌燥。

最怕竅閉神昏之象。疫毒傳染之症。不與風寒停滯同

法。

玄參

連翹

鬱金

銀花

石菖蒲

蕤葉

射干

牛蒡

冲入真白金汁一杯

楊

吸入疫癘。三焦皆受。久則血分漸瘀。愈結愈熱。當以

鹹苦之製。仍是輕揚理上。倣古大製小用之意。

玄參

西瓜翠衣

金銀花露

瑩白金汁

信時疫不外此
等方若癘疫則
一時傳染惡毒
非用通靈金石
之品虔製數種
隨症施用不能
奏效也

金氏人靜則神昏。癘邪竟入臚。王先生方甚妙。愚意兼以

芳香宣竅逐穢。至寶丹。

亦不盡然

疫癘一症。都從口鼻而入。直行中道。流布三焦。非比
傷寒六經。可表可下。夫疫為穢濁之氣。古人所以飲
芳香。採蘭草。以襲芬芳之氣者。重滌穢也。及其傳變。
上行極而下。下行極而上。是以邪在上焦者。為喉啞。
為口糜。若逆傳臚中者。為神昏舌絳。為喉痛丹疹。今
觀先生立方。清解之中。必佐芳香宣竅逐穢。如犀角
菖蒲銀花鬱金等類。兼進至寶丹。從表透裏。以有靈
之物。內通心竅。搜剔幽隱。通者通。鎮者鎮。若邪入營

中三焦相溷熱愈結邪愈深者理宜鹹苦大製之法。仍恐性速直走在下故用立參金銀花露金汁瓜萸皮輕揚理上所謂倣古法而不泥其法者也。考是症惟張景岳喻嘉言吳又可論之最詳然宗張喻二氏恐有遺邪畱患若宗吳氏又恐邪去正傷惟在臨症權衡無盛盛無虛虛而遣人天殃方不愧爲司命矣。

鄒滋九

癩痧疹瘰

三焦伏熱

張

伏氣熱蘊三焦。心凜熱發。煩渴遍體赤癩。夜躁不寐。

兩脈數搏。

羚羊角

犀角

連翹心

玄參心

鮮生地

金銀花

花粉

石菖蒲

又

寒熱必有形象。攻觸及於胃脘之下。口渴喜飲煖湯。

癩已發現。病不肯退。此邪氣久伏厥陰之界矣。

桂枝

川連

黃芩

花粉

牡蠣

枳實

濕溫

嚴濕溫雜受。身發斑疹。飲水渴不解。夜煩不成寐。病中強食。反助邪威。議用涼膈疎斑方法。

連翹

薄荷

杏仁

鬱金

枳實汁

炒牛蒡

山梔

石膏

又、舌邊赤昏。譫早輕。夜重。斑疹隱約。是濕濕已入血絡。夫心主血。邪干膻中。漸至結閉。為昏瘖之危。苦味沉寒。竟入中焦。消導辛溫。徒劫胃汁。皆溫邪大禁。議清疎血。分輕劑以透斑。更參入芳香逐穢。以開內竅。近代喻嘉言申明戒律。宜遵也。

犀角

玄參

連翹

銀花

風温

石菖蒲 先煎至六分後和入雪白金汁一杯臨

服研入周少川牛黃丸一九

江 温邪發疹濕熱內蘊便閉不通先開上焦。

杏仁 蘇子 栝藋皮 紫苑 山梔

某 風温發痧。

薄荷 連翹 杏仁 牛蒡子

桔梗 桑皮 甘草 山梔

某 風温發疹。

薄荷 赤芍 連翹 牛蒡子

桔梗 桑皮 甘草 山梔

熱邪入胞絡

費

暴寒驟加伏熱更熾邪鬱則氣血壅遏痧疹不肯外達痰氣交阻神迷喘促漸入心胞絡中有內閉外脫之憂熱注下迫自利粘膩不爽法當開其結閉消毒解其臏中之壅必得神清方保無變

連翹心

飛滑石

石菖蒲

炒金銀花

射干

通草

煎化牛黃丸一九

濕熱鬱肺

朱二十痧後痰多咳嗽氣急

蘆根一兩

杏仁一錢半

桔梗一錢

飛滑石一錢半

桑皮八分

通草一錢

痧後陰傷

某痧後伏火未清內熱身痛

玉竹
白沙參
地骨皮
川斛

麥冬
生甘草

某
痧後熱不止陰傷

生白芍
炙甘草
生扁豆
炒麥冬

川斛
穀芽

章
涼風外襲。伏熱內蒸。秋金主令。內應乎肺。喘咳身熱。

外寒內熱

始而晝熱。繼而暮熱。自氣分漸及血分。齟肉紫而肌壘發疹。辛寒清散為是。

薄荷
連翹
石膏
淡竹葉

杏仁
桑皮
苡仁

吳。病在暴冷而發。肌表頭面不透。是外蘊為寒。內伏為熱。肺病主衛。衛氣分兩解為是。

麻黃

石膏

牛蒡子

枳殼汁

杏仁

射干

桔梗

生甘草

陽明血熱

尹

環口燥裂而痛。頭面身半以上發出癩疹赤紋。乃陽明血熱。久蘊成毒。瘦人偏熱。頗有是症。何謂醫人不識。

犀角地黃湯

再加風藥尤妙

溫邪內陷

江

溫邪自利。癩疹。

黃芩

連翹

牛蒡子

桔梗

香鼓

薄荷

杏仁

橘紅

通草

此症乃血中有
熱毒須於未發
之前服藥為妙

胆火胃
濕鬱蒸

李

二發癩熱腫獨現正面每遇九十月大發五六月漸愈

七八年來如是因思夏令陽氣宣越營衛流行無間秋

冬氣凜外薄氣血凝滯此濕熱漫無發泄乃少陽木火

之鬱及陽明蘊蒸之濕故上焦尤甚耳法以辛涼佐以

苦寒俾陽分鬱熱得疏庶幾發作勢緩

夏枯草

鮮菊葉

苦丁茶

鮮荷葉邊

羚羊角

黑梔皮

鬱金

苡仁

唐五麻木忽高腫發癩必有風濕襲入皮膜乃軀殼病昔

人每以宣行通劑

此防變瘋症

片薑黃

羚羊角

川桂枝

撫芎

風濕

半夏

白芥子

某十風塊瘙癢咳嗽腹痛邪著表裏當用雙和

牛蒡子

杏仁

連翹

桔梗

桑枝

象貝母

煎藥送通聖丸

癩者有觸目之色而無礙手之質即稠如錦紋稀如蚊跡之象也或佈於胸腹或見於四肢總以鮮紅起發者為吉色紫成片者為重色黑者為凶色青者為不治蓋有諸內而形諸外可決其臟腑之安危邪正之勝負也殆傷寒瘟疫諸症失於宣解邪蘊於胃腑而走入營中每有是患耳考方書之治其法不一大

抵由失表而致者。當求之汗。失下而致者。必取乎攻。
火甚清之。毒甚化之。營氣不足者。助其虛而和之。託
之。至於陰癩一說。見象甚微。若必指定些些之癩點
爲陰。猶恐不能無誤。想前人此例。無非覺後人勿執
見癩爲實熱之義也。吾故曰。必參之脈象及兼證。方
妥。癩者。疹之通稱。有頭粒而如粟象。癩者。卽疹之屬。
腫而易痒。須知出要周勻。沒宜徐緩。不外乎太陰陽
明之患。故繆氏尚以肺胃論治爲精也。若先生之法。
本乎四氣。隨其時令之勝復。酌以辛涼辛勝及甘寒
苦寒鹹寒淡滲等法而治之。凡吾幼科諸友於此尤

當究心焉。邵新甫。君而所之凡善也。林豁文。效此武。

本。平。西。原。國。之。朝。令。之。親。新。國。以。帝。府。辛。烈。又。甘。寒。

開。之。想。對。難。九。尚。以。和。胃。儲。為。益。蘇。出。若。武。坐。之。其。

甄。而。長。戰。取。取。出。要。風。已。買。宜。翁。錄。不。似。平。太。創。則。

安。學。者。為。之。匪。休。亦。匪。錄。而。以。策。策。誠。昔。唱。變。之。風。

其。與。欲。轉。勝。之。美。也。吾。好。日。必。參。之。相。集。又。兼。益。其。

欲。創。創。思。不。消。無。藉。懸。前。式。而。何。難。其。學。翁。人。修。時。

之。至。何。創。與。一。指。良。集。甚。難。若。必。能。法。也。也。之。意。操。

火。昔。觀。之。善。其。出。之。意。派。不。只。青。相。其。氣。而。時。之。流。

湖。由。夫。奏。而。延。善。當。求。之。我。夫。不。而。建。善。必。知。平。之。

痰火

痰

汪五宿哮久矣不發心悸震動似乎懊懣之象此屬痰火。治以宣通鬱遏勿徒呆補。

半夏 川連 石菖蒲 蛤粉 枳實

茯苓 川鬱金 橘紅 竹瀝薑汁法丸

劉 痰火鬱遏氣滯吸煙上熱助壅是酒肉皆不相宜古稱痰因氣滯熱鬱治當清熱理氣為先。

川連 白朮 枳實 厚朴

茯苓 半夏 淡薑湯泛丸

沈三四痰火久嗽。

海蛤丸

天冬 水姜 海浮石 蛤粉 風化硝 桔梗 橘紅 香附 竹立 姜汁

張媪痰火風眩暈防仆跌。

明天麻 炒半夏

茯苓

橘紅

羚羊角

鈎藤

竹瀝

陳媪老年痰火咳逆痰有穢氣。

蘆根

川苡仁

桃仁

絲瓜子

葶藶

大棗

即兼肺癰治法

又下虛不納濁泛嘔逆痰穢氣。

熟地炭

紫衣胡桃肉

炒杞子

炒牛膝

川斛

茯神

某 痰火上逆蒙竅耳鳴頭暈。二陳加天麻鈎藤甘菊

羚羊蕪皮。

某 夏至節兩關脈弦長五火燔燎而肝陽胃陽尤甚動怒抽掣為肝病食辛香厚味即病至胃病使然痰火根深非頃刻可掃除惟靜養勿恚忿薄味以清裏此病發之勢必緩由漸加功議藥乃近理治法。

羚羊角 犀角 川連 鬱金 山梔

北秦皮 牛黃 膽星 橘紅 生石膏

寒水石 金箔 方諸水法九竹葉燈心湯送

何 娠 診脈右關弦滑痰多舌乾微強語言似蹇蓋因痰火

上蒙津液不得上承。高年頗慮風痺。宜清上宣通。勿進剛燥及膩滯之藥。

半夏 金石斛 橘紅 黑山梔 茯苓

鬱金 生甘草 石菖蒲 竹瀝 薑汁

痰熱內閉神昏

張 昏昏如寐。神憤如迷。痰熱內閉。勢非輕渺。

半夏 石菖蒲 桔梗 枳實

鬱金 橘紅 竹瀝 薑汁

鬱痰

某 鬱痰

半夏 鬱金 石菖蒲 明天麻

白蒺藜 橘紅 茯苓 鈎藤

中
大

陶 脈左弦堅搏。痰多。食不易運。此鬱慮已甚。肝侮脾胃。有年最宜開懷。不致延及噎膈。

半夏

薑汁

茯苓

杏仁

鬱金

橘紅

又 脈如前。痰氣未降。前方去杏仁加白芥子。

濕熱蒸痰

金_四濕熱內蒸。痰火日夥。根本漸怯。陽泄為汗。陰泄遺濁。

酒客喜於爽口食物。醫藥中滋膩補方。決不適用也。

豬肚丸方

葉 久寓南土。水穀之濕。蒸熱聚痰。脈沉弦。目黃。肢末易

有瘡疾。皆濕熱盛。致氣隧不得流暢。法當苦辛寒清裏

通肌做前輩痰因熱起清熱為要。

生茅朮 黃柏 瓜蒌實 山梔 萊服子

川連 半夏 厚朴 橘紅 竹瀝薑汁丸

某病後厚味蒸痰。

風化硝 瓜蒌仁霜 枳實 鬱金

生茯苓 薑汁炒山梔 竹瀝法丸

汗脈脹濕阻熱痰。

半夏 茯苓 黑山梔 橘紅

製蒺藜 遠志 降香

木火犯中胃虛 徐陽動內風用滋養肝腎陰藥壯水和陽亦屬近理夏

季脾胃主司肝胆火風易於貫膈犯中。中土受木火之侮。陽明脈衰。痰多。經脈不利矣。議清少陽鬱熱。使中宮自安。若畏虛滋膩。上中愈實。下焦愈虛。二陳去甘草。加金斛桑葉丹皮。

又脈左浮弦數。痰多。腕中不爽。煩則火升。眩暈。靜坐神識安舒。議少陽陽明同治。

羚羊角

連翹

廣皮

炒半夏麩

黑山梔皮

香豉

又脈兩手已和。惟煩動恍惚。欲暈。議用靜藥。益陰和陽。

人參

熟地

天冬

金箔

肝腎虛
上有痰
火

汪 痰火上盛。腎氣少攝。朝用通攝下焦。暮服清肅上焦。

方法。

羚羊角

半夏

茯苓

橘紅

黑梔皮

鬱金

苦丁茶煎湯法丸暮服

熟地

淡菴蓉

杞子

五味

牛膝

茯苓

遠志

線膠

蜜丸早服

曹

五色

鮮明。屬上有痰。飲蓋上實。則下虛。半百年歲未得。

種玉。診得脈左小不靜。右部弦滑。法當清肺胃之熱痰。

益腎肝之精血。做曼倩衛生方法。

燕窩膠

甜梨膏

人參

黃芪

麥冬

多腎虛痰

丙

山藥

茯苓

於朮

黃節

黑節

鹿尾膠

羊內腎

淡菘蓉

故紙

青鹽

向來痰多食少而參朮服餌未合此稟質為陽不受

溫熱剛燥之劑上年冬季溫煖入春痰愈多體中微倦

由乎藏聚未固春氣自地升舉之微法當攝腎固真乃

治痰之本方為有益

熟地

茯苓

補骨脂

胡桃肉

杞子

五味

牛膝

遠志

車前

蜜丸

痰症之情狀變幻不一古人不究標本每著消痰之方立消痰之論者甚多後人遵其法而用之治之不

驗。遂有稱痰爲怪病者矣。不知痰乃病之標。非病之本也。善治者治其所以生痰之源。則不消痰而痰自無矣。余詳考之。夫痰乃飲食所化。有因外感六氣之邪。則脾肺胃升降之機失度。致飲食輸化不清而生者。有因多食甘膩肥腥茶酒而生者。有因本質脾胃陽虛。濕濁凝滯而生者。有因鬱則氣火不舒。而蒸變者。又有腎虛水泛爲痰者。此亦因土衰不能制水。則腎中陰濁上逆耳。非腎中真有痰水上泛也。更有陰虛勞症。龍相之火。上炎燬肺。以致痰嗽者。此痰乃津液所化。必不濃厚。若欲消之。不惟無益。而徒傷津液。

其餘一切諸痰。初起皆由濕而生。雖有風火燥痰之名。亦皆因氣而化。非風火燥自能生痰也。其主治之法。惟痰與氣一時壅閉咽喉者。不得不暫用豁痰降氣之劑以開之。餘皆當治其本。故古人有見痰休治痰之論。此誠千古之明訓。蓋痰本飲食濕濁所化。人豈能禁絕飲食。若耑欲消之。由於外邪者。邪散則痰或可清。如寒痰溫之。熱痰清之。濕痰燥之。燥痰潤之。風痰散之。是也。若涉本原者。必旋消旋生。有至死而痰仍未清者矣。此乃不知治本之故耳。今觀案中治法。有因鬱因火者。必用開鬱清火爲君。以消痰佐之。

有因濕因熱者。則用燥濕清熱。略佐化痰之品。若因
肝腎虛而生痰者。則純乎鎮攝固補。此真知治痰之
本者矣。若因寒因濕者。更當於痰飲門兼參而治之。
華岫雲

所列方案皆治肺胃浮痰之藥。若透經入絡盤踞臟腑及
三焦隱處之老痰。尚需峻厲製煉之方。此等方不能奏效
也。

痰飲

外寒引
動宿飲

上逆

於上

某六高年衛陽式微寒邪外侵引動飲邪上逆咳嗽形寒。

某仲景云治飲不治咳當以溫藥通和之。

杏仁 三錢

粗桂枝 一錢

淡乾薑 一錢

茯苓 三錢

苡仁 三錢

炙草 四分

周向有耳聾鳴响是水虧木火蒙蔽冬陽不潛亦屬下

某元之虛但今咳聲喉下有痰音脇痛臥着氣衝乃衝陽

升而痰飲泛脈浮當此驟冷恐有外寒引動內飲議開

太陽以肅上。

大雲茯苓 粗桂枝 乾薑 五味同薑打

白芍 炙甘草 當午時服

某二 新涼外束肺受寒冷氣餒不降宿飲上干而病發矣。

法當暖護背心宿病可卻。

淡生薑粉 半夏 蛤蜊粉 茯苓

桂枝木 苡仁煎湯

飲上逆 肺氣不降 某五 背寒咳逆此屬飲象先當辛通飲邪以降肺氣。

鮮枇杷葉 杏仁 茯苓 橘紅

生薑 半夏

某二 脈右大弦氣喘咳唾濁沫不能着枕喜飲湯水遇寒

病發。此屬飲邪留於肺衛。如見咳。投以清潤。愈投愈劇矣。
葶藶子 山東大棗

徐氏痰飲上吐。喘不得臥。乃溫邪阻蔽肺氣。氣不下降。壅滯不能着右。議用宣通開氣分方法。

小青龍去細辛麻黃加苡仁白糖炒石膏

沈 嫗冬溫陽不潛伏。伏飲上泛。仲景云。脈沉屬飲。面色鮮

明爲飲。飲家咳甚。當治其飲。不當治咳。緣高年下焦根蒂已虛。因溫煖氣泄。不主收藏。飲邪上擾乘肺。肺氣不降。一身之氣交阻。薰灼不休。絡血上沸。經云。不得臥。臥則喘甚。痺塞乃肺氣之逆亂也。若以見病圖病。昧於色

診候氣必致由咳變幻。腹腫脹滿。漸不可挽。明眼醫者。勿得忽為泛泛可也。茲就管見。畧述大意。議開太陽。以

使飲濁下趨。仍無礙於冬溫。從仲景小青龍越婢合法。
杏仁 茯苓 苡仁 炒半夏

桂枝木 石膏 白芍 炙草

方氏冷暖失和。飲泛氣逆。為浮腫喘咳。腹脹臥則衝噎。議

用越婢方。

石膏 杏仁 桂枝 炒半夏

茯苓 炙草
不斥麻黃不成越婢

脾胃傷 虛

施四七勞煩太甚。胃陽受傷。外衛單薄。怯寒畏冷。食物少運。

痰飲內起。氣阻濁凝。胸背皆痛。辛甘理陽已效。當此長夏。脾胃主令。崇其生氣。體旺病可全好。

六君子加益智木香

黃三身居沿海。氛障霧露。客邪侵入清陽。陽傷畏寒。久嗽。病人不知卻病。護身猶然用力承辦。裏結飲邪。沉痼不卻病。
茯苓桂枝湯

胡四脈沉而微微。則陽氣不足。沉乃寒水陰凝。心痛怔忡。漸及兩脇下墜。由陽衰不主運行。痰飲聚氣欲阻。致痛之來。其心震之謂。亦如波撼岳陽之義。議用外臺茯苓飲合桂苓方。

人參

茯苓

半夏

枳實

桂枝

薑汁

白六脈沉小弦為陰濁飲邪。稟質陽不充旺。胸中清氣不

得舒展曠達。偶觸入寒冷。或悞進寒物飲邪暴冷凝結

胸痞。當平日食物忌用酒肉腥濁。便清陽流行。常服仲

景苓桂朮甘湯百劑。若病來因冷。即服大順散。

戴病去神已爽慧。但本脈帶弦。平素有飲。為陽氣不足

之體。年紀漸多。防有風痺。此酒肉宜少用。勞怒當深戒

矣。議外臺茯苓飲方。

人參

茯苓

廣皮

枳實

半夏
金石斛

朱九四煩勞大過。陽傷痰飲。日聚陽蹇。脈空寤不成寐。衛陽

失護。毛髮自墜。乃日就其衰奪矣。初進通飲。濁以甦陽。

接服外臺茯苓飲

吳氏脈弦背中冷。左偏微痛。食少欲嘔。四肢牽強。此飲邪

內結。議通陽氣。

桂枝
茯苓
半夏
薑汁

炙草
大棗

某眩暈惡心。胸皖不爽。脈右弦左弱。面色紅亮。此乃痰

飲上泛。有厥中之事。

炒半夏 中製 藜

橘紅

煨天麻

石菖蒲

茯苓

薑汁

尤

口中味淡。是胃陽虛。夫濁飲下降。痛緩。向有飲濕為

患。若不急進溫通理陽。濁飲必致復聚。議大半夏湯法。

人參 半夏

茯苓

枳實

薑汁

脾陽不運

張

酒客穀少中虛。常進疎散表藥。外衛之陽亦傷。其痰

飲發時。胸中痞塞。自述或飢。遇冷病來。其為陽氣受病。

何疑。不必見痰。搜逐。但護中焦脾胃。使陽氣健運不息。

陰濁痰涎焉有竊踞之理。

生於朮

川桂枝

茯苓

淡薑渣

芡仁 澤瀉 薑棗湯法丸

王三脈沉為痰飲。是陽氣不足。濁陰欲蔽。當以理脾為先。

俾中陽默運。即仲景外飲治脾之意。

苓桂朮甘加半夏陳皮水法丸

某三舌白咳逆不渴。非飲象。而何宜宣溫藥和之。

杏仁 芡仁 半夏 乾薑

粗桂枝 茯苓 厚朴 炙草

某食後腕中痞阻。按之漉漉有聲。手麻脇痛心煩。耳目

昏眩。是氣不流行。痰飲內聚中焦。用桂苓朮竹瀝薑汁

法丸。

又海桂枝

人參

茯苓

半夏

廣皮

炙草

內渠

用林

於

黃

味過甘膩。中氣緩不主運。延綿百天。聚氣結飲。東垣

云。病久髮不焦。毛不落。不食不飢。乃痰飲爲患。飲屬陰

類。故不渴飲。仲景五飲互異。其要言不繁。當以溫藥和

之。通陽方法。固無容疑惑。大意外飲宜治脾。內飲治腎。

是規矩準繩矣。議用苓桂朮甘湯。

某形體似乎壯實。陽氣外泄。畏風怯冷。脾陽消乏。不司

健運。水穀悍氣。蒸變痰飲。墜道日壅。上實下虛。仲景謂

飲邪當以溫藥和之。苓桂朮甘得效。從外飲立方。

人參

淡附子

生於朮

枳實

茯苓

澤瀉

荆瀝薑汁法丸

某

老人久嗽妨食。議以外飲治脾。苓桂朮甘湯。

脾腎陽虛

王三

脈沉背寒。心悸如墜。形盛氣衰。漸有痰飲。內聚當溫。

通補陽方復辟。斯飲濁自解。

人參

淡附子

乾薑

茯苓

生於朮

生白芍

馮

陽虛則形寒。汗出痰飲。宿聚都是陰濁。成形乘陽氣。

衰微致上干竊踞。古人法則必通其陽。以掃陰氛。但宿

病無急攻方。况平素憂鬱。氣滯血滯。久耗之體。不敢純

剛防劫液耳。

人參

熟附子

淡乾薑

炒川椒

川桂枝

烏梅肉

生白芍

另真武丸三兩

程

四八左脈沉靜。右脈微弦。四旬清陽日薄。脾臟鼓運漸遲。

加以煩心紫思。水穀悍氣蘊蒸痰飲。仲景謂外飲當治

脾陽。况中年常有遺泄之患。按脈非龍相之動搏。議固

下益腎。轉旋運脾二方。分早晚服。早服從還少聚精七

寶。叅用丸方。

熟地

菴蓉

枸杞

五味

萸肉

茯神

山藥

菟絲

覆盆

魚膠

菖蒲

遠志

龍骨 青鹽 熟蜜同棗肉搗丸早服五七錢

茅朮 於朮 半夏 茯苓 廣皮 生益智

白朮 鈎藤 薑棗湯泛丸晚服三錢開水下

徐 清陽未展濁陰欲踞久延必結痰飲議用真武丸二

錢五分人參一錢煎湯送胃陽得震濁當退避矣十服

某 脈沉弦飲泛嗆咳乃下虛無以制上議早服腎氣丸

攝納下焦散失以治水泛之飲午服外臺茯苓飲轉旋

中焦使食不致釀痰茯苓飲去朮

某 一七高年久嗽脈象弦大寤不成寐乃陽氣微瀉濁飲上

泛仲景云進溫藥和之

脾胃陽虛飲逆咳嘔

杏仁 三錢

茯苓 三錢

川桂枝 一錢

生薑 一錢

苡仁 三錢

炙草 四分

大棗 二枚

顧二咳嗽數月。嘔出涎沫。建中不應。已非營衛損傷。視其

面色鮮明。飲食仍進。做飲邪主治。

小半夏湯加桂枝杏仁薑汁

李三勞傷陽氣。內起痰飲。臥着氣鈍。飲阻其欬。為多痰出

稍通勢緩。且體常汗泄。非風寒表邪不解。並不熱渴。亦

非火炎爍金。仲景云。飲家而欬。當治飲。不當治欬。

茯苓

桂枝木

苡仁

炙草

薑汁

陳脈濇小。舌白不渴。身動嘔痰。身如在舟車中。此寒熱

攻胃致傷。逆氣痰飲互結。通補陽明為正。白朮甘草守中。未能去濕。宜緩商。

人參汁

半夏

枳實汁

茯苓

竹瀝

薑汁

馬三。肌肉豐溢。脈來沉緩。始發右季脇痛。湯飲下咽。汨汨有聲。吐痰涎。頭痛。此皆脾胃陽微。寒濕滯聚。年方壯盛。不必介懷。溫中佐其條達。運通為宜。

茅朮

厚朴

半夏

茯苓

陳皮

淡薑渣

葫蘆巴

炙草

薑汁泛丸

馬四。甘緩頗安。辛泄不受。此陽分氣衰。將來飲邪日聚。然

臥着欬多。清氣失旋。先用苓桂朮甘湯。繼進外臺茯苓
飲。

曹七中年陽氣日薄。痰飲皆屬陰濁。上干清道。爲衝逆咳
嗽。仲景治法。外飲治脾。內飲治腎。分晰甚明。昔年曾用
桂苓澤朮得效。是治支飲治法。數年真氣更衰。古人謂
飲邪當以溫藥和之。須忌治嗽肺藥。

先用小青龍去麻辛。接服外臺茯苓飲。

脾腎陽
虛飲逆

程五昔肥今瘦爲飲。仲景云脈沉而弦。是爲飲家。男子向

咳嘔

老下元先虧。氣不收攝。則痰飲上泛。飲與氣湧。斯爲欬
矣。今醫見嗽。輒以清肺降氣消痰。久而不效。更與滋陰。

明遠之論不愧
為名家矣

不明痰飲皆屬濁陰之化。滋則堆砌助濁滯氣。試述着
枕欬噎一端。知身體臥着。上氣不下。必下衝上逆。其痰
飲伏於至陰之界。腎臟絡病無疑。形寒畏風。陽氣微弱。
而籓籬疎撤。仲景有要言不煩曰。飲邪必用溫藥和之。
更分外飲治脾內飲治腎。不讀聖經焉知此理。

桂苓甘味湯

熟附都氣加胡桃

陳痛久氣亂。陽微水穀不運。蘊釀聚濕。胃中之陽日薄。
痰飲水濕必傾囊上湧。而新進水穀之氣與宿邪再聚。
復出。致永無痊期。仲景云。飲邪當以溫藥和之。又云。不
渴者。此為飲邪未去。故也。則知理陽通陽。誠有合於聖

訓斷斷然矣。真武湯

張^四痰飲喘咳。肌肉麻痺。痞脹不堪。納穀冬寒日甚。春暖

日減。全是陽氣已衰。陰濁逆干犯上。肺藥治嗽。無非辛泄滋潤。蓋辛散則耗陽。滋清助陰濁。濁阻在陽分。氣不肅。爲夜不得臥。小青龍意。主乎由上以泄水寒。直從太陽之裏以通膀胱。表中裏藥也。仲景謂飲邪當以溫藥和之。驅陰邪以復陽。一定成法。早腎氣去。萸換白芍。

炒查炭水法丸

晚外臺茯苓飲薑棗湯法丸

程^六腎虛不納氣。五液變痰。上泛冬藏失職。此病爲甚。不可以肺咳消痰。常用八味丸。收納陰中之陽。暫時撤飲。

用仲景桂苓味甘湯

孫未交冬至一陽來復老人下虛不主固納飲從下泛氣阻升降而為喘嗽發散寒涼苦瀉諸藥焉得中病仲景云飲家而咳當治飲不當治咳後賢每每以老人喘嗽從脾腎溫養定論是恪遵聖訓也

桂枝 茯苓 五味子 甘草湯代水加淡薑棗

李腸紅久病不必攻治今者氣衝喘嗽腕脇痞阻是飲濁上僭最宜究悉

川桂枝 分 茯苓 三錢 乾薑 一錢 五味子 同薑合

杏仁 半一錢 白芍 一錢 炙草 五分 生左牡蠣 三錢

腎陽虛
飲逆喘
咳嘔

吳七壯年下元久虛。收納氣泄。每交秋冬受冷。冷氣深入。伏飲夾氣上衝。為咳喘嘔吐。疎肺降氣不效者。病在腎絡中也。蓋精血少壯不旺。難以搜逐。病根不去。謂此絕慾。一年小暑。艾灸靜養一百二十天。可愈。附都氣加車前。

潘九勞力喘甚。肩背惡寒。飲泛上逆。皆係下元虛損。莫以喘用瀉肺等藥。薛氏八味丸。

王廉秋深天氣收肅。背寒喘咳。飲濁上泛。緣體中陽氣少。振不耐風露所致。最宜煖護背部。進通陽以治飲。

荻苓

桂枝

半夏

薑汁

苡仁

炙草

又 早腎氣丸 夜真武丸

陳 脈虛微。春陽地升。濁陰上千。喘不得臥。治在少陰。

人參

淡熟附子 猪膽汁

此非急症不得用此以傷胃氣

又 照前方加淡乾薑一錢半

又 脈弦。暮夜濁陰衝逆。通陽得效。議真武法。以撤其飲。

人參

淡附子

生白芍

茯苓

薑汁

又 真武泄濁。脘通思食。能寐。昨宵已有渴欲飲水之狀。

考金匱云。渴者飲邪欲去也。當健補中陽。以資納穀。

此方非渴者所宜
人參

生於朮

淡附子

茯苓

澤瀉

又 早服腎氣丸四五錢。晚用大半夏湯。

人參 半夏 茯苓 薑汁

董 脈弦右濡。陽微惡寒。飲濁上干。咳吐涎沫。且食減胃

衰。寒疝竊踞。陰濁見症。豈止一端。喻嘉言謂濁陰上加

於天。非離照當空。氛霧焉得退避。反以地黃五味陰藥

附和其陰。陰霾冲逆。肆虛飲邪。滔天莫制。議以仲景熟

附配生薑法。掃羣陰以驅飲邪。維陽氣以立基本。况尊

年尤宜急護真陽為主。

人參 茯苓 熟附子 生薑汁 肉桂

戴 十二月間。診得陽微濁。飲上干為咳。不能臥。曾用小

腎陽虛
膀胱氣
化不通
降

青龍湯。減去麻黃細辛。服後已得着枕而臥。想更醫接
用不明治飲方法。交驚蟄陽氣發泄。病勢再熾。頃診脈
來濡弱無神。痰飲咳逆未已。諒非前法可效。宗仲景真
武湯法。以熟附配生薑。通陽逐飲立法。

真武湯去白朮加人參

計 不臥噎喘。泛起白沫。都是腎病。議通太陽膀胱。

茯苓

川桂枝

淡乾薑

五味子

白芍

炙草

顧 飲邪泛溢。喘嗽。督損頭垂。身動喘甚。食則腕中痞悶。
臥則喘咳不得息。肺主出氣。腎主納氣。二臟失司。出納

失職議用早進腎氣丸三錢以納少陰晚用小青龍法
滌飲以通太陽經腑此皆聖人內飲治法與亂投膩補
有間矣。小青龍去麻辛甘芍加茯苓杏仁大棗

某形盛面亮脈沉弦此屬痰飲內聚暮夜屬陰喘不得
臥仲景謂飲家而咳當治其飲不當治咳今胸滿腹脹
小水不利當開太陽以導飲逆小青龍去麻辛合越婢

桂枝

半夏

乾薑

五味

杏仁

石膏

茯苓

白芍

某服三拗湯音出喘緩可見苦寒沉降之謬素多嘔逆
下血中焦必虛而痰飲留伏顯然議治其飲

桂枝湯去甘草加杏仁茯苓苡仁糖炒石膏

某
太陽經氣不開。小水不利。下肢腫浮。漸上着枕。氣塞欲坐。濁飲上干。竟有坐臥不安之象。醫者但以肺病刻治。於理未合。急用小青龍法。使膀胱之氣無阻礙。濁飲痰氣自無逆冲之患矣。

桂枝

杏仁

乾薑

五味

半夏

茯苓

章

伏飲陰濁上干。因春地氣主升而發。嘔吐不飢。自然

脾胃受傷。六君子宜補方法。未嘗不妙。今診得吸氣甚微。小溲晨通暮癢。足跗浮腫。其腑中之氣開闔失司。最

慮中滿。夫太陽司開。陽明司闔。濁陰瀰漫。通腑即是通

陽。倣仲景開太陽一法。

牡蠣

澤瀉

防已

茯苓

五味

乾薑

張七。噎喘。哮坐不得臥。神迷如呆。氣降則清。水寒飲邪。上

冲臏中。用逐飲開濁法。

薑汁炒南星。薑汁炙白附子。茯苓

桂枝。炙草。石菖蒲

某三。咳緩痰少。腕中不爽。肌腠瘙癢。皆濕邪未盡。痰飲竊

踞之象。當用六安法。

寒飲濁
邪上冲
臏中

肺胃濕
痰

中虛濕熱

杏仁

白芥子

炒半夏

茯苓

淡乾薑

橘紅

王

當年陽虛。濁飲上泛。喘急。用真武湯丸而效。因平素

嗜酒少穀。中虛濕聚。熱蘊蒸痰。目黃齟血。未可為實熱。論治。議方。用外臺茯苓飲。減甘草。佐以微苦。清滲理其濕熱。以酒客忌甜故也。

茯苓 四兩

人參 二兩

苡仁 四兩

枳實 一兩

半夏 二兩

廣皮 二兩

金石斛 八兩 煮汁為丸

中焦痰熱

汪

面色鮮明。腕中漾漾欲嘔。因鬱勃熱氣。蒸為痰飲。宜

暫緩參朮。務清中焦熱痰。

杏仁 枳實汁 橘紅 瓜萇皮

鬱金 半夏麴 桔梗 黑梔皮

痰飲挾燥
張氏 痰飲挾燥。咳。喉中癢。

杏仁 花粉 茯苓 象貝母

橘紅 半夏麴

氣火不降
陳姬 痰飲挾氣火上踞。腕痞脹不爽。宜理氣熱。

半夏 茯苓 瓜萇皮 黑梔皮

橘紅 鬱金

某 脈弦右澹。面亮舌白。口乾不喜飲。頭重岑岑然。胸腕

痺塞而痛。得噉氣稍舒。酒客穀少中虛。痰飲聚蓄。當此

夏令地氣上升。飲邪挾氣上阻。清空遂令前症之來。金匱云。脈弦為飲。色鮮明者為留飲。口乾不欲飲水者。此為飲邪未去故也。况熱熱汗出。豈是風寒。春夏溫邪。辛溫發散為大禁。自云身體空飄。年已六旬。又四辛散再泄其陽。不亦左乎。

半夏

薑汁

川連

吳萸

茯苓

枳實

竹瀝

學喘伏飲

潘

遠客路途。風寒外受。熱氣內蒸。痰飲日聚於臟之外。

絡脈之中。凡遇風冷。或曝烈日。或勞碌形體。心事不寧。擾動絡中宿飲。飲泛氣逆。咳嗽氣塞。喉底胸膈。不思食。

飲伏經絡

胸次清陽少旋支脈結飲

物着枕。噎吐稠痰。氣降自愈。病名哮喘。伏飲治之得宜。

除根不速。到老年歲。仍受其累耳。小青龍湯去細辛。

童^五背寒。短氣背痛。映心貫脇。入腰食粥。噫氣腕痞瀉出。

黃沫飲邪伏濕。乃陽傷竊發。此溫經通絡為要。緩用人

參。

川桂枝 生白朮 炒黑蜀漆 炮黑川烏

厚朴 茯苓 炙甘草 白芍 白朮 白芍 白朮 白芍 白朮 白芍

葉^四脈右弦。舌黃不渴。當心似阻。昔形壯。今漸瘦。咳久不

已。臥着則咳。痰出稍安。此清陽少旋支脈結飲。議通上

焦之陽。

鮮薤白 瓜萹皮 半夏 茯苓

川桂枝 薑汁

楊頭中冷痛。食入不消。筋脈中常似掣痛。此皆陽微不
主流行。痰飲日多。氣隧日結。致四末時冷。先以微通胸
中之陽。

乾薤白 桂枝 半夏 茯苓

瓜萹皮 薑汁

又微通其陽已效。痰飲阻氣。用茯苓飲去。廣皮加薑汁。
程支脈聚飲。寒月喘甚。初因寒濕而得。故食辛稍安。

支脈結飲

杏仁 半夏 厚朴 苡仁

茯苓 薑汁法丸

趙 支飲。脇痛咳逆。小青龍去麻辛

汪氏 支脈結飲。阻氣喘張。入脇則痛。厥逆為眩。

茯苓 桂枝 半夏 杏仁

鬱金 糖炒石膏

黃 支脈結飲。發必喘急。病發用。

桂枝 茯苓 五味 炙草

馮 懸飲流入胃中。令人酸痛湧噫酸水。當辛通其陽以

驅飲。

桂枝木 半夏 茯苓 炒黑川椒 薑汁

懸飲

脇痛五六年此必有瘀血頑痰積而不散病屬有形非僅氣血

又照前方加淡附子

施診脈右虛左小弦面色黃少華采左脇肋痛五六年

未愈凡久恙必入絡絡主血藥不宜剛病屬內傷勿事

膩補錄仲景旋覆花湯加栝子仁歸鬚桃仁

又初服旋覆花湯未應另更醫謂是營虛用參歸熟地

桂芍炙草服後大痛醫又轉方用金鈴半夏桃仁延胡

荻苓服之大吐大痛復延余治余再議方謂肝絡久病

懸飲流入胃絡致痛不已議太陽陽明開闔方法

人參

荻苓

炙草

桂枝

煨薑

南棗

服苦藥痛嘔。可知胃虛。以參苓闔陽明。用草桂開太
陽。并辛香入絡。用薑棗通營衛。生薑恐伐肝。故取煨
以護元氣。而微開飲氣也。

又前方服之痛止。議丸方。

雖止必發

桂枝 半夏 川椒 茯苓

煨薑 南棗湯丸

某。夏季陽氣大升。痰多。嗆咳。甚至夜不得臥。穀味皆變。
大便或溏或秘。診脈右大而弦。議以懸飲流入胃絡。用
開闔導飲法。

人參 茯苓

桂枝

炙草

以上治痰飲諸案深得古人治法最爲卓識然當時見此老治飲症竟有不用此等法而候治者不知何故至于案中重複竟成逐日號簿此書每門無不如此編集之人真不校集之法者也惜哉

煨薑

南棗

又早診脈兩手皆弦。右偏大。凡痰氣上湧。咳逆愈甚。日來小溲少。下焦微腫。議通太陽以撒飲邪。

人參

茯苓

桂枝

炙草

五味

乾薑

又脈弦畧數。不渴不思飲。此飲濁未去。清陽不主運行。

前方甘溫。主乎開闔。能令胃喜。次法開太陽以撒飲邪。亦主陽通。據白述。心下胃口若物阻呆滯。其濁錮陽微大著。其治咳滋陰。適爲陰濁橫幟矣。議用大半夏湯法。

大半夏湯加炒黑川椒。

痰丸。茯苓丸。消痰破氣。或滋填賦補等法。大傷脾胃。堆砌助濁。其於仲景痰飲之法。豈不大相乖謬乎。然痰與飲。雖爲同類。而實有陰陽之別。陽盛陰虛。則水氣凝而爲痰。陰盛陽虛。則水氣溢而爲飲。故王晉三先生取仲景之小半夏。茯苓。及外臺飲三湯。從脾胃。二經分痰飲立治法。而先生又取仲景之苓桂朮甘。外臺茯苓飲。腎氣丸。真武湯。分內飲外飲治法。而於痰飲之症。無遺蘊矣。愚歷考先生治痰飲之法。則又有不止於此者。然而病變有不同。治法亦有異。如脾腎陽虛。膀胱氣化不通者。取仲景之苓桂朮甘湯。茯苓

